

諸

司

職

掌

禮部

尚書侍郎之職掌天下禮儀祭祀宴享貢舉之政
今其屬有四曰儀部曰祠部曰膳部
曰主客部

儀部

郎中員外郎主事掌貳尚書侍郎舉其儀制而辨
其名數

朝賀

正旦冬至朝賀

一凡正旦冬至前一日尚寶司陳設

御座于奉

天殿及寶案于御座之東設香案于

丹陛之南教坊司設中和韶樂于

殿內之東西北向其日清晨錦衣衛陳鹵簿儀仗於

丹陛及丹墀之東西設朋扇于殿內東西列車輅步輦

于丹墀東西相向鳴鞭四人左右北

向教坊司陳大樂于

丹陛之東西北向儀禮司設同文玉帛案于

丹陛之東金吾衛設護衛官于殿內及

丹陛之東西陳甲士于午門外奉

天門外及丹墀東西錦衣衛設將軍于奉

天門外丹陛丹墀及奉天門列旗幟于奉

天門外東西典牧官陳仗馬犀象于文武樓南東西相向

欽天監設司農郎報時位于內道東

近北立糾儀御史二人于丹墀北東

西相向內贊二人于殿內外贊二人

于丹墀北東西相向設傳

制宣表等官位于殿內東西相向鼓初嚴文武官具朝服

禮儀典
二
齊班于午門外鼓次嚴引禮引百官
由左右掖門入詣丹墀東西北向立
鼓三嚴執事官詣

華蓋殿伺候內官跪奏

皇帝具衣冕陞座鐘聲止儀禮司官跪奏各執事官行禮
贊五拜禮畢贊供事執事官各就位
儀禮司官跪奏請

陞殿駕興中和韶樂奏聖安之曲尚寶官捧寶前行導

駕官前導扇開簾捲尚寶官置寶于案樂止鳴鞭報時
鷄唱曉對贊唱排班班齊贊禮唱鞠

躬大樂作贊四拜平身樂止典儀唱
進表大樂作給事中二人詣同文案
前導引序班舉案由東門入置殿中
樂止內贊唱宣表目宣表目官跪宣
訖俯伏興唱宣表展表官取表宣表
官至簾前外贊唱衆官皆跪宣表訖
內外皆唱俯伏興平身序班即舉表
案于殿東外贊唱衆官皆跪代致詞
官跪于

丹陛中致詞云具官

臣

某茲遇

正旦則云三陽開泰萬物咸新
冬至則云律應黃鍾日當長至

恭惟

皇帝陛下膺乾祐奉天永昌賀訖外贊唱衆官皆俯伏
興樂作四拜興平身樂止傳

制官詣

御前跪奏傳

制俯伏興由東門靠東出至丹陛之東西向立稱有

制贊禮唱跪百官皆跪宣

制

正旦則云履端之
冬至則云履長之

慶與卿等同之贊禮唱俯伏興平身

樂止贊播笏鞠躬三舞蹈贊跪唱山
呼百官拱手加額曰萬歲唱山呼曰

萬歲唱再山呼曰萬萬歲凡呼萬歲
樂工軍校齊聲應之贊出笏俯伏與
大樂作贊四拜平身樂止儀禮司官
跪奏禮畢中和樂作奏定安之曲

駕興尚寶官捧寶導駕官前導至

華蓋殿樂止引禮引百官以次出

中宮正旦冬至命婦朝賀儀

一凡正旦冬至前期一日女官陳設

御座于宮中設香案于丹墀之南其日清晨內官陳設儀
仗于

丹陛之東西及丹墀東西女官擊執者立于

御座之左右陳女樂于

丹陛東西北向設箋案于殿東門外設班首拜位于中
道之東西設命婦拜位于丹墀北向
設司贊位于丹墀東西設司賓位于
命婦班之北東西相向設內贊二人
位于殿內東西命婦至宮門外司賓
引命婦入就拜位女官具服侍班如
常儀尚宮尚儀等官詣

內奉迎尚儀奏請陞座

皇后具服出導授如常儀樂作陞座樂止司贊唱班齊樂
作贊四拜樂止外贊唱進箋引箋案
女官前導舉箋案女官二人舉案由
殿東門入樂作至殿中樂止贊眾命
婦跪內贊唱宣箋目宣箋日女官宣
訖興唱宣箋展箋女官詣案前取箋
宣箋女官宣訖興舉案者舉案于殿
東贊命婦皆興司賓引班首由東階
陞樂作自東門入至殿中樂止內贊
唱跪班首跪眾命婦皆跪班首稱某

夫人妾某氏茲遇

正旦則云履端之節
冬至則云履長之節

敬詣

皇后殿下稱賀內贊司贊同唱興班首及殿外命婦皆興
司賓引班首由西門出降自西階樂
作至拜位樂止贊拜樂作四拜樂止
司言前跪將

旨由東門靠東出至于丹陛東西向立稱有

旨司贊唱跪衆命婦皆跪司言宣

旨

正旦則云履端之慶
冬至則云履長之慶
與夫人等同之贊興衆命婦皆興司贊

唱拜樂作四拜樂止尚儀跪奏禮畢

皇后興樂作還宮樂止引禮引命婦以次出

東宮正旦冬至朝賀

一凡正旦冬至日典璽官設

東宮座于文華殿中錦衣衛設儀仗於殿外東西教坊司

陳大樂于

文華門內東西北向府軍衛列甲士旗幟于門外錦衣

衛設將軍十二人于殿中門外及

文華門外東西相向立儀禮司官設箋案于殿東門外

設文武官拜位于

文華門外設傳

禮傳新 三
令宣箋等官位于殿內東西執事官先行四拜禮訖各就位引禮引各官詣

文華門外北向立儀禮司官啓請

陞座導引官奉迎

東宮具冕服出樂作陞座樂止贊禮唱班齊鞠躬樂作四拜興平身樂止唱進箋給事中前導箋案由殿東門入置殿中內贊唱宣箋目宣訖俯伏興平身唱宣箋外贊唱跪展箋官詣案前取箋宣箋官宣訖內外皆贊俯伏興平身即舉案于

殿東外贊唱衆官皆跪代致詞官中

道跪致詞云具官

臣

某等茲遇

正旦

三陽開泰萬物咸新冬至則云律應黃鍾日當長至敬惟

皇太子殿下茂膺景福賀畢唱衆官皆俯伏興平身傳

令官跪啓傳

令由東門左出至丹陛東西向立稱有

令贊衆官皆跪宣令

正旦云履端之節冬至云履長之節

同臻嘉慶贊俯伏

興樂作四拜平身樂止儀禮司官跪

啓禮畢

萬壽聖節百官朝賀禮儀

一凡

萬壽聖節百官朝賀禮儀與正旦冬至同但致詞云恭惟
皇帝陛下萬壽令節臣某等誠懽誠忭敬祝
萬萬歲壽不傳

制

中宮千秋節命婦朝賀禮儀

一凡

中宮千秋節命婦朝賀禮儀與正旦冬至同但致詞云茲遇
千秋令節敬詣

皇后殿下稱賀不傳

音

東宮千秋節百官朝賀禮儀

一凡

東宮千秋節百官朝賀禮儀與正旦冬至同但致詞云茲

遇

皇太子殿下壽誕之晨臣某等敬祝

千歲壽不傳

令

朝儀

京官常朝儀

一凡朝班序立公侯序于文武班首次駙馬次
伯自一品以下各照品級文東武西
依次序立風憲糾儀官居下朝北紀
事官居文武第一班之後稍近上便
於觀聽不許攙越如有事奏須要從
班末行至

御前跪奏不許於班內橫過奏畢即便入班序立

一凡文武百官于

御前侍坐遇有大小官負奏事必須起立候奏事畢復坐
不許倨坐失儀如有特

旨賜坐則復坐。

一凡文武百官出入朝門各照品級第加遜敬
如一品以下官遇公侯駙馬加敬禮
立則旁立行則後從三品四品官遇
一品官加遜禮行立俱後從五品以
下官做此俱不許撓越失儀如有

宣召不在此限

一凡百官朝參遇有

聖諭教戒須要專心致意拱聽分明即便省身克己不許
放肆

一凡百官

御前奏對務必從實知則為知不許妄對

一凡大小官員隨從

上位行丹墀身常朝北不許南向或左或右環轉隨侍如上位陞奉天門及丹陛其隨從官員不得徑行中道并

王道如有

旨令行方許于側邊隨行

一凡官員入朝門須要拱手端行威儀整肅不許私揖及吐唾不敬

一凡文武百官於奉

天華蓋武英等殿奏事必須穿着履鞋方許入

殿違者從糾儀御史禮部儀禮司官糾劾送法司如律

百官朝見禮儀

一凡朝見稽首頓首五拜乃臣下見

君上之禮先拜手稽首四拜後一拜叩頭成禮稽首四拜

者百官見

東宮親王之禮其見父母亦行四拜禮其餘官長及親

戚朋友相見止行兩拜禮

常朝君父之禮

一凡各王大朝行八拜禮常朝一拜叩頭禮凡

伯叔兄見

天子在朝行君臣禮於便殿內行家人禮伯叔兄坐東面

西坐受

天子四拜伯叔兄就於受禮位坐天子居正中南面坐所以尚親親之義以存君臣之禮

一皇后父見

上行君臣禮后見父母行家人禮

皇太子見

皇后父母皇后父母立於東西向皇太子立於西東向行四拜禮皇后父母立受兩拜各兩拜

諸蕃朝貢

一凡蕃王來朝先遣禮部官勞於會同館次日
於

奉天殿朝見

上位蕃王服其國服若嘗賜朝服者則服朝服行八拜禮
禮畢即詣

文華殿朝見

皇太子行四拜禮見

親王亦行四拜禮親王立受兩拜答兩拜其從官隨蕃
王班後行禮凡遇宴會蕃班次各居

公侯伯之下如蕃王朝見之後遇有
恩賜及蕃國遣使朝貢皆如常朝儀

庶人常見禮儀

一凡民間子孫弟姪甥婿見尊長生徒見師範
奴婢見家長父別行四拜禮尋常近
別行揖禮其餘親戚長幼照依等第
父別行兩拜禮尋常近別行揖禮平
交同

冠服

皇帝冕服

衮冕十二章

冕版廣一尺二寸長二尺四寸冠上有覆玄表朱裏前後各有十二旒旒五采玉珠十二玉簪導朱纓

圭長一尺二寸

玄衣纁裳衣六章織日月星辰山龍華蟲裳六章織宗彝藻火粉米黼黻

中單以素紗為之

紅羅蔽膝上廣一尺下廣二尺長三尺織火龍山三章

革帶佩玉長三尺三寸

大帶素表朱裏兩邊用緣上以朱錦下以綠錦

大綬六采用黃白赤玄縹綠織成純玄質五百首小綬三色同大綬間織三玉環

朱襪赤舄祭

天地宗廟及正旦冬至

聖節則服之

皮弁服其皮弁用烏紗冒之前後各十二縫每

東官冠服

衮冕九章

縫中綴五采玉十二以為飾玉簪導
紅組纓其服絳紗衣蔽膝隨衣色白
玉佩革帶玉鈎釧緋白大帶白襪黑
舄

冕九旒旒九玉金簪導紅組纓兩玉填
圭長九寸五分

玄衣纁裳衣五章織山龍華蟲宗彝火
裳四章織藻粉米黼黻

白紗中單黼領

蔽膝隨裳色織火山二章

革帶金鈎釧玉佩

綬五采用赤白玄纁綠織成純赤質三

百三十首小綬三色同大綬間織三

玉環

大帶白表朱裏上緣以紅下緣以綠白

襪赤舄陪祀

天地宗廟及正旦冬至朝賀則服之

親王冠服

袞冕九章

冕五采玉珠九旒紅組纓青纓充耳金

簪導

圭長九寸二分五釐

青衣纁裳衣五章織山龍華蟲火宗彝

裳四章織藻粉米黼黻

白紗中單黼領青緣

蔽膝隨裳色織火山二章

革帶金鈎觥佩玉

綬五采赤白玄纁綠織成純赤質三百

二十首小綬三色同大綬間織三玉環

大帶表裏白羅朱綠緣

白襪朱履助祭謁

廟正旦冬至等朝賀則服之

世子冠服

衮冕七章

冕三采玉珠七旒紅組纓青纒充耳金

簪導

圭長九寸

青衣纁裳衣三章織華蟲火宗彛裳四

章織藻粉米黼黻

素紗中單青領襪赤鞞

革帶佩白玉玄組綬

綬紫質用紫黃赤三采織成間織三白

玉環

白襪赤舄

文武官冠服

一文武官朝服梁冠赤羅衣白紗中單俱用青
飾領緣赤羅裳青緣赤羅蔽膝大帶

用赤白二色絹革帶佩綬白襪黑履
一品至九品俱以冠上梁數分等第
公冠八梁加籠巾貂蟬立筆五折四柱

香草五段前後用玉為蟬

侯冠七梁加籠巾貂蟬立筆四折四柱

香草四段前後用金為蟬

伯冠七梁加籠巾貂蟬立筆二折四柱

香草二段前後玳瑁為蟬俱左插雉

尾

駙馬冠與侯同不用雉尾

一品冠七梁不用籠巾貂蟬革帶與佩俱用玉綬用綠黃赤紫四色絲織成雲鳳四色花錦下結青絲網綬環二用玉笏用象牙

二品冠六梁革帶綬環用犀余同一品
三品冠五梁革帶用金佩用玉綬用黃綠赤紫四色織成雲鶴花錦下結青絲網綬環二用金笏用象牙

四品冠四梁革帶用金佩用藥玉餘同
五品冠三梁革帶用銀釵花綬用黃綠

赤紫四色織成盤鵝花錦下結青絲
網綬環二用銀鍍金笏用象牙

六品七品冠二梁御史加獬豸革帶用
銀佩用藥玉綬用黃綠赤三色絲織
成練鵲花錦下結青絲網綬環二用
銀笏用槐木

八品九品冠一梁革帶用烏角佩用藥
玉綬用黃綠二色絲織成鷄鶩花錦
下結青絲網綬環二用銅笏用槐木

一 文武官朝服於

大祀慶成正旦冬至

聖節及頒降開讀詔赦進表傳制則服之

一文武官公服用盤領右袷袍或紵絲紗羅絹
從宜製造袖寬三尺

一品至四品緋袍 五品至七品青袍

八品九品綠袍 未入流雜職官袍

笏帶與八品以下同

公服花樣

一品用大獨科花徑五寸

二品小獨科花徑三寸

三品散荅花無枝葉徑二寸

四品五品小雜花紋徑一寸五分

六品七品小雜花徑一寸八品以下無紋

僕頭用漆紗二等展角各長一尺二寸其

雜職官負僕頭用垂帶

笏依朝服為之

腰帶

一品用玉或花或素 二品用犀

三品四品用金荔枝 五品以下用烏

角鞮用青草仍垂撻尾於下鞮用皂

其在京文武官於每日早晚

朝奏事及侍班謝

恩見辭則服之在外文武官負於每日清早公座服之

一凡各處雜職未入流品人負若遇大

朝賀進表等陪班行禮止用公服

一文武官陪祭服一品至九品青羅衣白紗中

單俱用皂領緣赤羅裳皂緣赤羅蔽

膝方心曲領其冠帶佩綬等第並同

朝服

一品官常服用雜色紵絲綾羅綠繡庶民止用

紬絹紗布不許別用

一花樣公侯駙馬伯麒麟白澤

文官一品二品仙鶴錦雞

三品四品孔雀雲鴈

五品白鷗

六品七品鷺鷥鷄鴻

八品九品黃鸝鶴鷄練鵲

風憲官用獬豸

武官一品二品獅子 三品四品虎豹

五品熊羆 六品七品彪

八品九品犀牛海馬

一官負及軍民僧道人等衣服帳幔並不許玄
黃紫三色并織繡龍鳳文違者罪及
染造之人其朝見人負四時并用顏
色衣服不許純素

命婦冠服

一品冠用金事件

珠翟五箇

珠牡丹開頭二箇

珠半開三箇

翠雲二十四片

翠牡丹葉一十八片

翠口圈一付上帶金寶鈿花八箇

金翟二箇口銜珠結二箇

二品至四品冠用金事件 珠翟四箇

珠牡丹開頭二箇 珠半開四箇

翠雲二十四片 翠牡丹葉一十八片

翠口圈一付上帶金寶鈿花八箇

金翟二箇口啣珠結二箇

一品至四品霞帔用雲霞紋釵花金墜子褙子

用雲霞文

五品至六品冠用抹金銀事件 珠翟三箇

珠牡丹開頭二箇 珠半開五箇

翠雲二十四片 翠牡丹葉一十八片

翠口圈一付上帶抹金銀寶鈿花八箇
抹金銀翟二箇口銜珠結子二箇

霞帔用雲霞文

五品鍍金釵花銀墜子 六品釵花銀墜子

七品至九品冠用抹金銀事件 珠翟二箇

珠月桂開頭二箇 珠半開六箇

翠雲二十四片 翠月桂葉一十八片

翠口圈一付上帶抹金銀寶鈿花八箇

抹金銀翟二箇口銜珠結子二箇

七品霞帔褶子與八品同

八品九品霞帔用繡纏枝花墜子與七品同
子繡枝團花

房屋器用等第

一凡官員蓋造房屋並不許歇山轉角重簷重
拱繪畫藻井其樓房不係重簷之例
聽從自便

公侯前廳七間或五間兩廡九架造中
堂七間九架後堂七間七架門屋三
間五架門用金漆及獸面擺錫環家
廟三間五架俱用黑板瓦蓋屋脊用

花樣瓦獸梁棟斗拱簷角綠色繪飾
窓枋柱用金漆或黑油飾其餘廊廡
庫廚後屋等房從宜蓋造俱不得過
五間七架

一品二品廳堂五間九架屋脊許用瓦
獸梁棟斗拱簷角青碧繪飾門屋三
間五架門用綠油及獸面擺錫環

三品至五品廳堂五間七架屋脊用瓦
獸梁棟簷角青碧繪飾正門三間三
架門用黑油擺錫環

六品至九品廳堂三間七架梁棟止用

土黃刷飾正門一間三架黑門鐵環

一品官房舍除正廳外其餘房舍許從宜蓋造
比正屋制度務要减小不許太過其
門窗戶牖並不許用朱紅油漆

一庶民所居房舍不過三間五架不許用斗拱
及彩色裝飾

一器皿公侯一品二品酒注酒盞用金餘用銀

三品至五品酒注用銀酒盞用金

六品至九品酒注酒盞用銀餘皆用磁

漆木器並不許用硃紅及稜金描金
雕琢龍鳳文

庶民酒注用錫酒盞用銀餘磁漆

一傘蓋一品二品銀浮屠頂茶褐羅表紅絹裏

三簷

三品四品用紅浮屠頂茶褐羅表紅絹
裏三簷以上傘蓋俱用白色茶褐兩
傘俱用紅油絹

五品用紅浮屠頂青羅表紅絹裏兩簷

兩傘同四品

六品至九品用紅浮屠頂青絹表紅絹

裏兩簷兩傘俱用油紙

一官負床面屏風榻子並用雜色漆飾不許雕

刻龍鳳文并金飾硃漆

一官負鞍轡公侯一品二品用銀減鐵事件靴

用插銀

三品至五品用銀減鐵事件靴用油畫

六品至九品用擺錫鐵事件靴用油畫

一凡軍官軍士應用弓矢止是黑漆弓袋箭囊

並不許用硃漆插金粧飾

一已上服色器皿房屋等項並不許雕刻刺繡
古帝王后妃聖賢人物故事及日月
龍鳳獅子麒麟犀象等形

親王冠禮

一前期三日各執事官于本部習儀至日傳

制遣官持節行禮

一前期儀衛司先設

王邸在東序張帷幄設裯褥于序中又張帷于序儀禮

司設掌贊宣

勅戒等官序立位于王邸東稍西向具九旒冕翼善冠絳

紗袍等服并網巾金簪二物各以箱盛候持節者至禮部儀禮司等官啓

上出迎門外贊禮導王行節入王邸置中庭樂作贊

王詣香案前四拜畢禮部等官啓就冠席西南向內侍

二人夾侍樂止引禮引賓贊以次詣

盥洗樂作搯笏盟手樂止通贊典儀

二人露臺東西向冠席在東序南西

向醴席在西南向行禮之時諸執事

官陞自東階稍西向掌冠者執網巾

陞賓降一等受之進

王席前稍北面立祝曰惟茲吉日冠以成人克敦孝友

福祿來臻畢供奉官束髮掌冠跪進

網巾樂作贊冠者跪正之興立掌冠

後內侍跪進服訖樂止掌冠啓王復

坐執翼善冠陞賓降二等受之右手

執冠後左手執冠前進如前儀祝曰

冠禮斯舉寔由成德敬慎威儀惟民

之則畢跪進冠興樂作掌冠啓復坐

贊冠進跪脫翼善冠興內侍跪脫袍

服執衮冕者陞賓降三等受之進如

前儀祝曰冠至三加命服用章敬神
事上永固藩邦跪進服興樂作贊冠
跪簪結紘興立掌冠後

王興內侍跪進袞服訖

樂止禮部官引

王降自東階樂作

由西階陞醴席南向坐

樂止引禮引

掌冠詣盥洗

樂作

搯笏盥手訖陞西

階樂止贊冠者取爵詣司尊所酌醴

授賓賓跪進席前北面祝曰旨酒嘉

薦載芬載芳受茲景福百世其昌畢

王搯圭受爵樂奏喜千春之曲飲訖奠爵出圭進饌饌

訖引

王降自西階詣東序易服訖樂止請

王詣拜位樂作引禮引宣勅戒官至中庭西向立稱有

制王跪樂止宣勅戒曰孝于君親友于兄弟親賢愛民率

由禮義毋溢毋驕永保富貴樂作俯

伏興四拜興樂止禮部官啓禮畢引

王還樂止掌冠等官復

命王是日謁

廟畢就詣

父皇及東宮前謝次日百官稱賀畢詣

王府行叩頭禮

婚禮

親王婚禮儀式

定親禮物

金五十兩

珍珠一十兩重

用紅綠紗銷金袋二箇

花銀四百兩重

各色紵絲四十疋

用紅綠羅銷金束子一百二十箇

大紅羅二疋

用紅綠羅銷金束子六箇

生紗二疋

用紅綠羅銷金束子六箇

裏絹四十疋

綿臘脂一百箇金花臘脂二兩重

用抹

金花銀合一對計六兩重

鉛粉二十袋計一十兩重

用紅綠羅鈎金袋二箇

北羊四牽

用紅綠絹銷金蓋袱四條
并牽羊紅麻索四條

豬二口

鷺二十隻

酒八十瓶

用紅綠羅銷金小蓋袱八十條

每條墜角折二銅錢四箇

圓餅八十箇

用紅紙花貼面

末茶一十袋

用紅綠羅銷金袋一十箇

果六合

白熟米二石

作四合每合上用染紅米二升

麩四十袋

用紅紙花貼面

媒人

紵絲二疋

用紅綠羅銷金束子六箇

裏絹二疋

開合

紵絲一疋

用紅綠羅銷金束子三箇

裏絹一疋

已上禮物媒人并內官一員送至妃家媒人就引妃家回奉禮物役

西華門入如命官則

皇帝前復命外命婦則

皇后前復命

納徵

禮物

玉穀圭一

累玉圭錦袋二件盛玉圭劍金

鳳珠紅木匣一箇內錦褥一片

玄纁紵絲五疋

玄三疋纁二疋用紅綠羅銷

金東子一十五箇

珠翠燕居冠一頂

冠蓋全

冠上火珠博鬢結子等項全

金鳳二箇金寶鈿花二十七箇

金簪一對冠上珊瑚鳳冠觜一副

燕居服四套

大紅紵絲一件 大紅線羅一件

大紅素紗一件 青線羅一件

大帶四條 內大紅線羅三條 青線羅一條

玉革帶一副

玉事件九件

金事件三件

玉花綵結綬一副

紅綠線羅疋絲大紅線羅繫帶

綵結上玉綬花一箇

綬帶上玉墜珠六顆

綬帶上金垂頭花板四片金葉兒六箇

白玉鈎碾鳳文珮一副

玉事件二十件串珠全

金鈎二箇

紅羅銷金夾袂大小五條

包燕居服及玉革帶等用

珠面花四副

珠花四枝金脚

八錢重

金脚四珠環一雙

金脚五錢重

梅花環一雙

金脚五錢重

金釵花釧一雙

二十兩重

金光素釧一雙

二十兩重

金龍頭連珠鐲一雙

一十四兩重

金八寶鐲一雙

八兩重外寶石一十四塊

金四百兩

九成色二百兩 八成色二百兩

花銀一千六百兩

珍珠二十四兩重

用紅綠紗鋪金袋二筒

寶鈔五十貫

乘馬四疋

紅籠頭錦鞋四副

各色紵絲六十疋

用紅綠羅銷金束子二百八十箇

各色綾六十疋

用紅綠羅銷金束子一百八十箇

各色紗六十疋

用紅綠羅銷金束子一百八十箇

各色羅六十疋

用紅綠羅銷金束子二百八十箇

各色錦六十疋

用紅綠羅銷金束子二百八十箇

大紅羅四疋

用紅綠羅銷金束子一十二箇

生紗四疋

用紅綠羅銷金束子一十二箇

各色絹三百疋

白綿二十觔

臘脂二合重二兩

金臘脂合一對重一十兩

鉛粉二十袋重一十兩

用紅綠羅銷金袋二箇

北羊三十二牽

用紅綠銷金蓋袱三十二條

牽羊紅麻索三十二條

豬一十六口

鷺三十二隻

酒二百瓶

用紅綠羅銷金蓋袱二百條

每條墜角折二銅錢四箇

末茶三十二袋

用紅綠羅銷金袋三十二箇

果二十合

響糖二合

芝麻纏糖二合

茶纏糖二合

砂仁糖二合

胡桃纏糖二合

木彈二合

蜜煎二合

棗子二合

乾蒲萄二合

胡桃二合

圓餅六百箇

用紅紙花點面

白麪一百二十袋

用紅紙花點面

紅紗罩盃

大小一十二箇

開合

紵絲八疋 用紅綠羅銷金東子二十四箇

媒人

紵絲一十二疋 用紅綠羅銷金東子三十六箇

徵納禮儀

前一日尚寶司陳設

御座于

奉天殿 內官監 設冠服首飾金銀段疋等儀物于

文樓下教坊司設中和樂于殿內其日清晨錦衣衛設

儀仗于

丹陛丹墀之東西教坊司設大樂于

丹陛之東西北向及設樂于

午門外設護衛將軍文武官執事官如常儀儀禮司設

百官侍立位于

文武樓南設玉帛案于殿內之東鼓三嚴文武官具朝服至侍立位東西相向鍾聲止儀禮

司跪奏請陞殿

皇帝具皮弁服道駕奉引如常儀樂作陞座樂止鳴鞭訖

序班舉玉帛案置殿中引正使副使

入就拜位贊鞠躬樂作贊四拜與平

身樂止承制官詣

御前跪承

制俯伏興由東門稍東出序班舉玉帛案隨之置丹墀中

道承制官稱有

制贊禮贊跪宣

制曰今聘某官某女為某王妃命卿等行納徵禮贊禮贊

俯伏興樂作四拜平身樂止儀禮司

奏禮畢

駕興樂作鳴鞭樂止引禮引玉帛案由

奉天門東門及

午門東門出置玉圭玄纁于綵輿執事官引

文樓下儀物由

午門東門出以次陳列正副使行至

御橋外收服乘馬至妃家

妃家行納徵禮

前一日妃家設正副使幕次于大門外道左南

向設香案于正堂中設受玉帛案于

香案之南其日禮物至妃家引禮捧

玉圭玄纁先行正副使隨之至幕次

執事者陳禮物及冠服等物于正堂

捧玉帛者俟于幕次東西向禮官一

貞先入至正堂

立于東西向

主婚者出

見立于東西向禮官曰奉

制命正使

其官某

副使

其官某

為某

王行納徵

禮引禮引

禮引

主婚者出迎

引禮引

正使捧玉圭副

使捧玄纁先行

主婚者隨行

引禮引

至正堂

置玉圭玄纁于案

正使立于

案之左

西南向

副使立于

案之右

東

南向

贊禮引

主婚者就拜位

贊鞠躬

四拜興

平身

贊詣前

跪贊捧圭

正使

捧玉圭授

主婚者

主婚者受玉圭

以授

主婚者受玉圭

以授

主婚者受玉圭

以授

主婚者受玉圭

執事者執事者跪受與置于案贊捧
帛副使捧玄纁授主婚者主婚者受
玄纁以授執事者執事者跪受與置
于案贊主婚者俯伏與平身贊復位
贊四拜興平身禮畢正副使出主婚
者至正副使前致詞云請禮從者酒
畢主婚者捧帛以勞正副使正副
使出主婚者送至門外正副使詣

皇帝前復命妃家回儀從

西華門入內官監監官奏

聞

發冊儀物

金冊一副

兩葉計卷金一百兩重造每葉高一尺二寸闊五寸厚凡

籍冊錦一片

紅絹裏

聯貫冊葉

用紅綠條

墊冊錦褥一箇

紅絹裏

裹冊紅羅銷金小夾袱一條

渾金溼粉雲鳳冊盃一箇

內用紅紵絲發

襯花銀釘釵一付重二兩三錢散金絲鐵銷鑰一副

覆盃紅羅銷金大夾袱一條

九聲四鳳冠一頂

冠上大花九樹小花九樹寶鈿九箇翠
雲博鬢描金珠皂羅額珠眉心珠牌環
金冠上金鳳四箇

牌環脚一雙

翟衣

三套描金雲鳳沉香色木匣一箇

銅鎖鑰
索扣金

青紵絲綉翟衣一件青紵絲綉蔽膝一件

玉色線羅中單一件紅綉襖

青線羅綉翟衣一件青線羅綉蔽膝一件

玉色線羅中單一件紅綉襖

青紗綉翟衣一件 青紗綉蔽膝一件 玉
色紗中單一件

青紅線羅銷金大帶一條 上有青紵絲
副帶一條

五色線錦綬一副 上有玉環二箇 青紅
羅絲結全

白玉鈎碾鳳文珮一副

玉事件二十件 串珠全

金鈎子并圈二箇

五色線錦襯一副

白玉革帶一副

青紵絲裏鞋描金文龍衣

玉事件一十件

金事件五件

青紵絲鳥一雙

上有珠六顆

青羅襪一雙

紅羅銷金夾袂大小五條

已製羅衣工佩玉帶等用

鳳轎一乘

錦坐褥一箇

錦踏褥一箇

紅交床一把

紅穿條全

紅竹簾一箇

香翠功全漆邊漆華全

紅羅銷金轎衣一件

歷水頂單全

紅油絹銷金兩轎衣一件

歷水頂單全

綵結四串抹金銀香圓寶蓋四副

計八件共花銀一十六兩

儀仗

紅杖二

清道旗二

絳引幡二

戟斃二

班劍二
結子絹袋全

儀刀二
結子紅絹袋全

梧杖二
絹袋全

鐙杖二
絹袋全

立瓜二
絹袋全

卧瓜二
絹袋全

骨朵二
絹袋全

響節四
絹袋全

紅綉傘一把
絹袋全

青方傘二把
絹袋全

紅綉團扇四把

絹袋全

青綉團扇四把

絹袋全

紅紗燈籠四箇

竿全

拂子二箇

結子全

坐障一竿全

行障二竿全

抹金交椅脚踏一副除木外計花銀一

百兩重搭座踏褥結子全

抹金銀水罐一箇重六十兩

抹金銀水盆一箇重六十兩

抹金銀唾壺一箇重一十六兩

抹金銀唾盂一箇重一十六兩

抹金銀香爐一箇重一十六兩

抹金銀香合一箇重一十六兩

擎執宮人銷金羅袍一十四領抹金釵花銀

帶一十四條翠花紗帽一十四頂皂麕

皮靴一十四雙

女轎夫衣袍一十六領汗跨一十六副銅束

帶一十六條花紗帽一十六頂紅綿布

鞞鞋一十六雙

發冊命使儀注

其日清晨內官監錦衣衛尚寶司教坊司文武

執事等官于

奉天殿陳設如納徵儀禮司設冊案于殿內之東承
制官持節官位于殿內之東西向設
正使副使拜位于丹墀正使在東副
使在西錦衣衛設蓋冊黃傘一于殿
門外禮部陳設綵輿于

午門外內官陳王妃鳳輦儀仗于綵輿之南鼓三嚴引
禮引文武官入就侍立位鍾聲止儀
禮司跪奏請陞殿

皇帝服皮弁服導駕官奉引如常儀樂作陞座樂止捲簾

鳴鞭訖引禮引正副使各就拜位贊

禮贊鞠躬樂作贊四拜平身樂止承

制官詣

御前跪承制俯伏興由東門稍東出持節官舉節舉冊官
舉案隨行亦由東門稍東出校尉擊
傘遮護冊行至丹墀御道中持節官
立于案東西向傳制官稱有

制贊禮唱跪宣

制曰今冊某官某女為某王妃命卿等持節行禮贊禮贊

俯伏興鞠躬四拜興平身樂止持節
官以節授正使引禮引節冊及正副
使由

東道至

奉天門由

東門出至

午門外置冊于綵輿儀禮司官奏禮畢

駕興樂作百官擗班以次出儀仗鳳轎前行引禮引節及

綵輿正副使隨行過

御橋收服持節正副使俱上馬至

妃府行冊禮

冊至妃家行禮儀注

是日妃府先設幕次于大門之外南向設香案于正廳冊使至引禮引正副使至幕次禮官先入見主婚者禮官曰奉

制命正使某官某副使某官某持節行冊禮主婚者出迎引禮引正使持節副使捧冊入主婚者隨行至正廳正副使立于香案東南南向引禮引主婚者至拜位贊禮贊

鞠躬四拜興畢身退立于西南引禮

引接冊內官詣前贊禮贊舉冊副使

以冊授內官內官跪受訖

贊禮贊請

詣中堂行禮內使二人引捧冊內官

入中堂正副使仍前立候內官出告

行禮畢正使副使以節出主婚者請

禮正副使如納徵儀

受冊儀注

其日妃府陳設香案于中堂設冊案于香案之南設妃拜位于冊案之南

妃服翟衣訖俟內官捧冊入置于案
贊禮女官一員居東一員居西在妃
拜位前相向立宣冊女官展冊女官
立于東引禮女官二員分左右引妃
出房至冊案前拜位女使執事者立
于西贊禮女官贊四拜興宣冊女官

稱有

制女官贊跪妃跪

贊宣冊

宣冊女官詣冊案前取冊立宣

于香案東

女官宣冊訖以冊入于盥

贊受冊

宣冊官捧冊立授妃妃受冊

女官贊以冊授執事者妃以冊授女

使女使跪受與置于案女官贊妃興

又贊四拜禮畢內官出告正副使行

禮畢執事者徹香案冊案設妃座引

禮請妃陞座衆命婦及應賀者序立

于庭北向贊四拜禮畢妃降座

催粧禮物

北羊二章 紅綠絹銷金蓋袱二條

酒二十瓶 紅綠罈銷金蓋瓶祇二十條
每條墜角折二銅錢四箇

果二合 用花四枝

已上禮物內官一員送至妃家

鋪房

一妃家於親迎前擇日將房奩床帳等物至王府鋪房禮部預先奏知至日妃家備鼓樂迎引後午門東角門入鼓樂止于闕西妃母或親戚入

內陳設

醮戒儀注

其日內官監設

上位

中宮御座于宮中設大樂儀仗于丹陛之東西執膳內官

先備酒金爵果合以俟

上位服皮弁服

中宮燕居服出

樂作

陛座

樂止

王服衮冕贊引引王由殿東門入詣

上位前贊禮贊鞠躬

樂作

贊四拜興平身

樂止

執事者以

爵斟酒立于

御前之東贊禮贊王

詣前跪贊揖圭贊受爵

執事者以爵立

授王受爵飲訖以爵授執事者執事者跪受以退

贊禮贊出圭恭聽

戒令隨旨意致戒詞

王聽戒辭訖贊俯伏興平身贊復位

贊鞠躬

樂作

贊四拜興平身

樂止贊

禮引王詣

中宮前

禮同

贊禮畢引禮引王出收衮冕具皮弁服行親

迎禮

妃受醮戒儀

親迎日妃家先於祠堂陳設祭物妃服燕居冠服妃父母同妃詣祖宗前奠酒讀祝禮畢執事者具酒饌命妃飲食訖父母坐於正堂女執事引妃詣父母前各四拜父母隨意致戒辭

妃聽受訖次辭諸尊長禮畢改服翟衣以俟

親迎儀注

其日儀衛司先設

王儀仗象輅于

承天門外妃家先設王幕次于中門之外設香案帛案于正堂之中是日王受

命訖引禮引王由

午門東門出典儀具服跪請陞輅

王陞輅儀從前導過

御橋

樂作至妃家門外引禮跪請王降輅導引至幕次

禮官一員先入至正廳立于東

西向

主婚者出見立于西

東向

禮官曰某

王奉

制行親迎禮引禮二人具服引主婚者迎王于幕次之外

內官二員具服引王出幕次主婚者

請王入中堂

王先行主婚者後隨

內官

具服捧禮物入至于中堂主婚者進

立于堂中之左妃母立于堂中之右

東西相向

王至中堂女執事二人引妃

出房立于妃母之下內官引王至案

前內官捧帛進王王以帛置于案內
官引王稍退近東西向立贊禮引主
婚詣帛案前行八拜禮退復位執事
者撤案引禮內官導王先出女轎夫
舉鳳轎至于中門之內內官具妃儀
仗于中門之外女執事引妃出內官
跪啓請王詣轎所啓請揭簾妃陞轎
內官啓請王陞輅前行妃具儀從後
行至

承天門外降輅候妃至內官跪啓請王揭簾妃降轎王

先行至內擇皮弁服具衮冕至

奉先殿前俟妃入

午門陞轎將至

奉先殿降轎行

廟見禮

廟見儀注

是日內官于

奉先殿陳設祭醴祝帛訖每廟猪一羊一帛一共一筐祝共一

贊引二人引王二人引妃至

奉先殿詣

德祖玄皇帝皇后神御前

王在東妃在西

贊王與妃皆兩拜

贊跪

王跪妃亦跪

贊搢圭

王搢圭

贊進

帛執事者以帛跪進于王右

贊受帛

帛授執事者贊奠帛執事者以帛奠神御前

贊進爵執事者以爵跪進于王右贊受爵王

受爵授執事者贊獻爵執事者以爵奠于

玄皇帝皇后前贊再進爵執事者以爵進贊受爵王受爵以授

執事者贊獻爵執事者以爵奠于

玄皇帝皇后前贊俯伏興王俯伏與妃亦興贊王復位贊王與

妃皆兩拜平身次詣

禮儀新
卷之四
懿祖皇帝皇后

熙祖皇帝皇后

仁祖皇帝皇后相同上

贊詣讀祝位王詣讀祝位贊跪王跪妃亦

馳讀祝訖贊俯伏與平身王俯伏與平身

妃亦興贊王復位贊王與妃皆兩拜平

身贊執事者捧祝帛各詣燎所贊詣

燎位王與妃詣燎位贊禮畢引禮引王

及妃還宮行合卺禮

合卺儀注

其日內官先于

王宮設王座于東

西向設妃座于西 東向各設拜位于

座之南設酒案于正中稍南置兩爵

兩丞于案上執事者啓請王具皮弁

服訖贊引導王與妃至宮門贊引一

人導王前陞二人導妃後陞贊請就

拜位

王與妃各就拜位

贊兩拜 王與妃皆兩

拜訖

贊請陞座 王與妃皆陞座

執事者

二人舉饌案進于王及妃之前女官

司尊者取金爵盃酌酒以進王與妃各

受爵飲訖

女官進饌王與妃皆舉饌訖女

官再以金爵進酒

王與妃皆飲訖

女官

進饌王與妃皆舉饌訖

女官再以盃蓋

酌酒合和以進

王與妃皆飲訖

又進饌

王與妃皆舉饌

凡三舉酒饌畢執事者

徹饌案贊王與妃興就拜位相向贊

兩拜禮畢王從者餽妃之饌妃從者

餽王之饌

朝見儀注

第二日清晨王冕服妃翟衣贊引各

啓請出宮至

宮門外以俟

皇帝服皮弁服

中宮服燕居服陞座贊引引王及妃自東門入王先入妃

從之贊禮贊詣

皇帝前

王立于東妃立于西

官人以棗栗盤立于妃之右贊

王與妃皆四拜執事者二人舉案至

皇帝前官人以棗栗盤授妃妃捧棗栗盤置于案上執事

者舉案妃隨捧進至

皇帝前

妃復位

贊禮贊王與妃皆四拜興贊引引王及妃

詣

皇后前宮人以服脩盤立于妃左贊王與妃皆四拜與執事者二人舉案至

皇后前正中宮人以服脩盤授妃妃捧服脩盤置于案上執事者舉案妃隨舉進至

皇后前妃復位贊四拜王與妃皆四拜與執事者以

皇帝前舉案徹于東

皇后前服脩案徹于西

贊禮畢贊引引王及妃出是日賜王與妃宴

與饋

第三日清晨妃服翟衣贊引引妃出

陞輿將至

宮內門降輿由東門入俟膳至贊引引妃詣

皇帝前贊四拜尚食以膳授妃妃捧膳置於案復位又贊

四拜贊引引妃詣

皇后前禮同贊引引妃退立於西南俟膳畢贊引引妃出

王與妃見

東宮儀注

是日王與妃朝

見訖王具皮弁服妃服翟衣詣

東宮前行四拜禮

東宮皮弁服坐受

東宮妃翟衣立受兩拜答兩拜

回門禮物

花銀三百兩重

雜色紵絲三十二疋

紅綠羅絹各十九疋

北羊四牽

紅綠絹銷金黃袱四條 紅麻索四條

酒四十瓶

紅綠銷金黃袱四十箇

果四合

回門儀注

其日內官先將禮物至妃家

王與妃儀仗導從如常儀王先行至妃府妃父出迎王

先入妃父從之至正廳王立東西向妃父

立西東向王於妃父母前行四拜禮

妃父母立受兩拜答兩拜禮畢王中坐其

餘親屬見王行四拜禮王皆坐受妃至

入中堂於父母前行四拜禮父母正面

坐受其餘親屬見妃各序家人禮

王府供用器皿

金器

壺瓶一對六十兩重

酒注一對六十兩重

孟子一對二十兩重

贄禮盤二面六十兩重

盤盞二副二十兩重

托裏胡桃木椀四箇六十四兩重

椀邊胡桃木托子四箇五兩重

托裏胡桃木鍾子一對一十一兩重

撒盞一對八兩重

葫蘆盤盞一副一十兩重

茶匙一雙一兩重

匙一雙五兩重

筋一雙五兩重

銀器

果盒一對一百六十兩重

汁瓶二對一百兩重

茶瓶一對五十兩重

湯鼓四箇八十兩重

按酒標一十二箇四十二兩重

果標一十二箇三十兩重

菜標一十二箇二十四兩重

漆器

硃紅戩金大托盤二面

紅紗罩二

硃紅戩金饅頭肉盤四箇

紅紗罩二

小車子一乘貼金釘鉸全井頂上抹金銅

火珠一箇四角銅鳳四箇

紅紵絲車衣一副頂裙溼水頂裏紫羅

帶全

錦坐褥一箇黃綿布骨子黃絹裏綿花

裝

紅平羅車衣一副頂裙瀝水頂裏緞紫

羅帶全

錦靠褥二箇綠紵絲邊黃綿布骨子黃
絹裏綿花裝

紅素油絹雨衣一副

紅油儀仗木架二座

公主婚禮

冊公主

前期告

奉先殿用祝帛猪羊行禮如常儀

冊文

維洪武某年歲次某某月某日

皇帝制曰古之君天

下者有女必封爾

長

女今已成人未

有封號特以某郡為爾之號配某官某之子彼為駙馬爾為公主既入某官之門恪遵婦道以奉舅姑閨門整肅內助常佳母累父母生身之恩爾惟敬哉

謁廟

受冊次日引禮引公主謁

奉先殿用香燭

駙馬受

誥其日駙馬受誥如常儀

誥文

夫婦之道人之大倫婚姻以時禮之所重帝女下嫁必擇勳舊為姻此古今通義也朕今命爾某為駙馬都尉當堅夫道毋寵毋慢永肅其家以稱親親之意恪遵朕言勿怠

公主受醮戒

其日早公主具禮服辭

奉先殿申時內官陳設儀仗于

正宮內丹陛之東西大樂陳于

丹墀執事女官備金爵酒壺果合以俟內贊女官二員于

殿之東西

皇帝常服

皇后燕居服陞座公主具禮服引禮女官引公主詣

皇帝前贊拜樂作四拜樂止贊跪贊受爵女官以爵

斟酒立授公主公主受酒飲訖以飲爵授

執事者執事者跪受虛爵退復

贊恭聽

戒命隨旨意訓戒公主聽受訖贊興贊復位贊拜樂作四拜興止

引禮女官又引公主詣

皇后前贊拜樂作四拜興贊跪贊受爵執事女官斟酒立

授公主公主受酒飲訖贊授執事者執事跪受爵以退

贊恭聽

戒命隨旨意戒公主聽受訖贊興贊復位贊拜樂作四拜興

樂止禮畢公主換燕居冠服命婦送

至宮門引禮引公主由宮門東門出

過宮門西上陞輦至右門內公主降

輦駙馬揭簾公主陞轎內使備儀仗
鼓樂前導合文樂三十六人接引至
府公侯百官命婦送至府各回家

駙馬受醮戒

其日早駙馬父與駙馬具家用祭服
告祠堂畢至午後駙馬父坐于正堂
駙馬具見尊長服引禮引駙馬至拜
位贊鞠躬兩拜興平身贊跪贊指笏
贊受爵執事者斟酒授駙馬駙馬受酒
飲訖以爵授執事者贊聽訓戒駙馬父隨意

致戒辭駙馬聽訖
贊出笏俯伏興贊復位
贊鞠躬兩拜興平身禮畢駙馬便服
上馬行親迎禮若駙馬父母俱存則父母同
坐于正堂行禮如前儀

親迎

其日駙馬受醮戒訖具儀從鼓樂前
導至

午門西下馬至朝房具朝服候申時序班二人具服引
駙馬由

午門西角門入至右紅門內官二員具服接引駙馬至

內使監前候報公主醮戒將畢引駙馬至

右門西東向立公主至駙馬揭簾公主陞轎駙馬先由午門西角門出至上馬處上馬先至府候公主至揭簾

公主降轎同謁祠堂

謁祠堂

執事者先於祠堂設祭物畢引禮女使引駙馬及公主至祠堂拜位駙馬立于東公主立于西贊禮贊鞠躬拜駙馬公主皆兩拜引禮引駙馬詣高祖

考妣神位前公主仍享手拜位贊跪駙馬跪

公主亦跪贊搢笏駙馬搢笏贊進爵執

事者以爵跪進于駙馬右贊受爵駙馬受爵

以授執事者贊獻爵執事者以爵奠于高祖

考神位前贊再進爵執事者以爵進贊

受爵駙馬受爵以受執事者贊獻爵執事

者以爵奠于高祖妣神位前贊出笏俯伏興

公主亦興引禮又引駙馬詣曾祖考妣

祖考妣各神位前如前儀訖贊詣讀

祝位駙馬至讀祝位贊跪駙馬跪公主亦跪

讀祝訖俯伏興公主亦興贊復拜位贊
拜駙馬公主俱兩拜禮畢導還府行合卺
禮

合卺

其日女使陳設駙馬座于室東

西向

公主座于室西

東向

各設拜位于座

之南設酒案于室中

稍南

置兩盞兩

盃即葫蘆蓋于案上饌案二于室中

贊引二人導駙馬二人導公主就拜

位贊兩拜

駙馬公主相向皆兩拜

請就位

駙馬公主各就位 執事者捧饌案置于駙

馬公主前 執事者二人以二盞斟酒

以進 駙馬公主皆飲酒 執事者進饌 駙馬

公主皆舉筋 執事者再斟酒 駙馬公主皆

飲酒 執事者再進饌 駙馬公主皆舉筋

執事者以兩盞盞斟酒合和以進 駙

馬公主皆飲訖 執事者又進饌 駙馬公

主皆舉筋 執事者徹饌案 贊駙馬公主

興就拜位 駙馬公主相向皆兩拜禮畢

見舅姑

一公主見舅姑舅姑坐于東西向公主立于西
東向行四拜禮舅姑各兩拜

賜駙馬冠帶衣服

紗帽一

金帶一

紵絲羅衣各一襲 斜皮靴一雙

鞍馬二

宴禮

大宴

一是日尚寶司設

御座于

奉天殿錦衣衛設黃麾于殿外之東西金吾等衛設護衛
官二十四員于殿東西教坊司設九
奏樂歌于殿內設大樂于殿外立三
舞雜隊于殿下光祿司官設酒亭于
御座下之西膳亭于御座下之東玳瑁醴亭于酒膳亭
之東西設

御筵于御座之東西設群臣四品位于殿內之東西設群臣酒尊食卓於殿外設五品以下位卓於東西兩廊司壺尚食各供乃事引禮引群臣殿外東西相向立儀禮司跪奏請陞座

駕輿大樂作陞座鳴鞭樂止鳴贊引文武官四品以上由東西門入至殿中橫班北向立五品以下官列于殿外丹墀北向立樂作贊四拜樂止光祿司官進御筵大樂作捧案至

御前樂止進花樂作進訖樂止光祿司官開爵注酒捧詣
御前進第一爵酒贊內外官皆跪教坊司跪奏進酒飲畢
贊衆內外官俯伏興樂作贊四拜平
身樂止贊各就位序班隨進群臣卓
散花樂作散訖樂止序班即進群臣
盃第二爵酒教坊司跪奏二奏皇風
之曲樂作光祿司官斟酒

御前序班隨斟群臣酒教坊司跪奏進酒候

皇帝舉酒群臣以次舉飲訖樂止光祿司官進湯鼓吹響
節前導至殿外鼓吹止殿上樂作群

臣起立光祿司官進湯

御前群臣復位序班即供群臣湯樂止教坊司跪奏進湯

樂作候

皇帝舉筯群臣次舉

皇帝進湯訖贊饌成樂止武舞入教坊司跪奏平定天下

之舞舞畢出第三爵酒教坊司跪奏

三奏眷皇明之曲樂作進酒如前儀

樂止教坊司跪奏樂奏撫安四夷之

舞舞畢出第四爵酒教坊司跪奏四

奏天道傳之曲樂作進湯如前儀食

畢教坊司跪奏樂奏車書會同之舞
舞畢出第五爵酒教坊司跪奏振皇
綱之曲進酒如第三爵儀飲畢教坊
司跪奏百戲呈應舞畢出第六爵酒
教坊司跪奏六奏金陵之曲進酒進
湯如前儀教坊司跪奏八蠻獻寶進
呈舞畢出第七爵酒教坊司跪奏七
奏長楊之曲進酒如前儀教坊司跪
奏採蓮隊子呈應畢出第八爵酒教
坊司跪奏八奏芳醴之曲進酒進湯

如前儀食畢教坊司跪奏魚躍于淵
呈應畢出第九爵酒教坊司跪奏九
奏駕六龍之曲進酒如前儀飲訖先
祿司官收

御前爵序班隨收群

臣盞光祿司官進湯進大膳大樂作
群臣起立進訖復坐序班隨供群臣
飯教坊司跪奏進膳食訖贊膳成樂
止光祿司官收膳訖教坊司跪奏百
花隊舞呈應舞畢出滿贊唱徹案序
班徹群臣卓訖光祿司官即徹

御案贊宴成群臣皆出席北向立序班即徹群臣座殿外
官皆詣丹墀北向立贊鞠躬樂作贊
四拜平身樂止群臣分東西立儀禮
司跪奏禮畢

駕興大樂作鳴鞭百官以次出

中宴

一凡中宴禮儀同前但進酒七爵

常宴

一凡常宴同中宴禮儀但百官一拜三叩頭進
酒或三爵或五爵而止

禮儀典
三十一
一凡文武官每遇筵宴四品以上文東武西各

照品級上

殿侍坐五品以下於殿下丹墀內文東武西各照品級序
坐其奉持

旨賜殿內坐者不在此限如在奉天門則四品以上官坐
于門上五品以下官坐于丹墀內務
要容止恭肅不許攙越誼譁

傳制

一凡大祀前三日陳設如常儀文武官各具朝服詣丹墀拜位鐘聲止儀禮司跪奏請陞殿樂作

皇帝御華蓋殿具皮弁服出陞座樂止鳴鞭訖贊四拜傳制官詣

御前跪傳制由東門出至傳制位稱有制贊跪宣

制云洪武某年正月某日大祀

天地於南郊爾文武百官自某日為始致齋三日當敬慎之傳訖贊俯伏興樂作又四拜平身

樂止奏禮畢

一凡遣官祭祀前一日陳設如常儀次日各官具服於丹墀北向立

皇帝御華蓋殿具皮弁服鍾聲止執事官行一拜叩頭禮訖儀禮司跪奏請陞殿樂作陞座樂止捲簾鳴鞭訖唱排班班齊百官一拜叩頭畢分東西立引禮引獻官詣拜位贊四拜平身傳制官詣

御前跪奏傳制俯伏興由東門靠東出至丹陛東西向立稱有制唱跪宣

制祭孔子則曰某年月日癸先師孔子大成至聖文宣王 祭帝王則曰先師歷代帝王

命卿行禮贊俯伏興樂作四拜樂止
禮畢

進春

一是日早文武百官各具朝服于丹墀北向立
應天府官置春案於丹墀中道之東
引禮引府縣官就拜位贊鞠躬樂作
四拜平身樂止典儀唱進春引府縣
官舉春案樂作由東階陞跪置于

丹墀中道俯伏興平身樂作又四拜禮畢鳴贊唱排班引

禮引文武官北向立贊班齊致詞官
詣中道之東跪奏云新春吉辰禮當
慶賀贊鞠躬樂作贊五拜三叩頭訖
樂止儀禮司奏禮畢

頒誥

一陳設如常儀至

皇帝陞殿鳴鞭百官一拜叩頭畢引禮引受誥官詣拜位
執事官舉誥案于丹墀中道或吏部
或兵部官奏訖贊鞠躬樂作四拜平
身樂止執事官舉誥案置于丹墀中

道贊跪俯伏興樂作又四拜樂止禮畢

開讀

前期一日尚寶司設

御座於

奉天殿設

寶案于殿東錦衣衛設

雲蓋于

奉天門教坊司陳中和韶樂于殿內禮部設宣讀案于承天門上西南向其日清晨陳設如常儀教坊司設大

樂于

午門外

承天門外東西相向儀禮司設百官拜位於

承天門外橋南校尉四人擎雲蓋于殿內簾前鼓初嚴

文武百官各具朝服鼓次嚴引禮引

公侯侍班于

午門外東西相向鍾聲止儀禮司跪奏請

陞殿

皇帝服皮弁服導駕官前導中和樂作

陞座樂止鳴鞭捲簾禮部官奉

詔書詣

寶案前用寶訖捧置雲蓋中校尉擎執雲蓋由殿東門
出大樂作自東陞降由

奉天門至

金水橋南

午門外樂作公侯前導迎至

承天門上鳴贊唱排班引禮引文武官就拜位唱班齊
鞠躬樂作贊四拜樂止宣讀展讀官

陞案稱有

制贊衆官皆跪禮部官捧

詔書授宣讀官宣讀官受

詔書唱宣讀官宣訖禮部官捧

詔置雲蓋中贊禮唱俯伏興樂作四拜樂止唱搢笏鞠躬

躬三舞蹈跪唱山呼百官拱手加額

曰萬歲唱山呼百官拱手加額曰萬

歲唱再山呼百官拱手加額曰萬萬

歲凡呼萬歲樂工軍校擊鼓齊聲應

之唱出笏俯伏興樂作四拜興平身

樂止序班即報儀禮司跪奏禮畢禮

部官捧

詔書分授使者畢

駕輿中和樂作鳴鞭樂止百官以次退

一凡遇有

詔書禮部差人賁往各處開讀所差人賁必預先教其

捧詔進退禮儀

一凡使者欽賁詔書至各處開讀預期一日報

知本處官司照依已降儀式迎接行

禮

一凡使者欽賁

勅符丹符到處多係機密重事不許先期報知亦不許

本處官司迎接使者與衆官直至本衙門開看置

勅符於案使者立于案東衆官四拜使者取符宣讀訖復置于案衆官再行四拜禮畢本處官遂與使者行禮若與一二人止於本家接符從便安放使者以符授本官本官叩頭開看畢乃與使者行禮

一凡使者欽賚詔書至總兵官處近營十里先令人報知總兵官設香案于營內南向列金鼓旗仗率領諸將出營迎接

見使者下馬立于道傍俟

詔書過總兵官并衆官上馬後從至營門外各下馬使者前行總兵官并衆官後從至營內使者捧

詔書置于案使者立于案東西向總兵官并衆官行四拜禮使者取

詔書以授宣讀官衆官皆跪宣讀畢以授使者復置于案衆官皆俯伏興平身行四拜禮禮畢使者東立西向總兵官西立東向行兩拜相見禮畢使者居東總兵官

居西相向叙坐

一凡使者欽賁

制諭勅符手詔至總兵官處干係機密軍務經過去處
不許報知本處官司亦不許迎接徑
至總兵官營外先密遣人報知總兵
官設香案于兵幕南向總兵官親出
營迎接使者下馬捧

制諭勅符前往總兵官後從至兵幕使者取

制諭勅符置于案使者立于案東西向總兵官行五拜
禮禮畢悉令屏去左右使者取

制諭勅符親授總兵官開看畢即收卷復置于案使者
東立西向總兵官西立東向行兩拜
相見禮畢使者居東總兵官居西相
向叙坐

一凡總兵官奉

命征討凡遇使者賁到制諭勅符手詔依儀行禮即便
依

旨奉行如有應合復奏事理隨時具奏請旨不許遲延
方

命違則如律

表箋

一天壽聖節在外五品以上衙門止進表文一通
正旦冬至拜進

皇帝表文中宮箋文東宮箋文各一通
在外各王府并各布政司按察司及直隸府州表箋俱各差官賚進
禮部各州表箋進于各府各府進于布政司其餘五品以上衙門隸布政司者亦進于布政司
布政司差官類進禮部其各都司及直隸衛所差官賚進五軍都督府至日

聞

禮部官以各處所進表箋目通類奏

貢舉

一 凡舉保孝廉人才秀才及山林隱逸本部即行所屬委自正官選求民間果係名實相副素無過犯之人有司起送到部咨發吏部聽用

一 歲貢生員到部本部奏

聞送翰林院考試如果中式者送國子監讀書其入學五年以上及二次不中者發充吏典提

調官吏及教官訓導照例決罰

學校

一在京國子監中都國子監及天下府州縣學校本部悉掌之

一科舉凡遇子午卯酉年則鄉試辰戌丑未則會試畢則

殿試其取中舉人咨發吏部聽用

一禮射書算訖有定式各處學校生員務要講習精熟以備考試

旌表

一本部據各處申來孝子順孫義夫節婦理當
旌表之人直隸府州咨都察院差委
監察御史覈實各布政司所屬從按
察司覈實着落府州縣官同里甲親
隣保勘相同然後明白奏

聞即行移本處旌表門閭以勵風俗


印信


一凡開設各處衙門合用印信劄付鑄印局官
依式鑄造給降其有改鑄銷毀等項
悉領之

雜行


凡本部缺吏負皂隸即行移當該衙門撥補


大禮殿






太廟





社稷壇


井



井

木履

棟



+

+

太社


+


神宮寺




山川壇


先農 附旗壽





帝王廟





上帝
皇祇仁祖

大

辨 菹 菹 稻 黍 稷 稌 稷

籩 醴 醴 梁 稷 粟 麥 稷

稌 菹 菹 稌 麥 麥 稷

稌 菹 醴 稌 麥 麥 稷

大明 夜明同

(金)

| | | | | | | | |
|---|---|---|---|---|---|---|---|
| 餅 | 餅 | 餅 | 稻 | 黍 | 形 | 漆 | 餅 |
| 餅 | 餅 | 餅 | 梁 | 稷 | 餅 | 麥 | 餅 |
| | 餅 | 餅 | | | 棗 | 笑 | |
| | 餅 | 餅 | | | 栗 | 餅 | |

神祇

和

美

智

五

五

稻

泰

靈

林

天

靈

果

根

靈

靈

五

五

果

天

靈

靈

果

靈

北岳

北鎮東岳東鎮東漢
太武帝三山川四鎮北
海西岳北鎮西岳中岳
中鎮風雲雷雨岳南
鎮南海內

天靈

知靈

| | | | | | | | |
|---|---|---|---|---|---|---|----|
| 辟 | 菑 | 疠 | 穡 | 黍 | 蠶 | 榛 | 白餅 |
| 醴 | 醢 | 醢 | 梁 | 稷 | 雲 | 菱 | 麩 |
| | 菹 | 菹 | | | 栗 | 尖 | |
| | 菹 | 菹 | | | 栗 | 鹿 | |

星辰

祭山川壇及
帝王先師同

黍 稷 粱

餅 餅 餅 餅 餅 餅 餅 餅

餅 餅 餅 餅 餅 餅 餅 餅

餅 餅 餅 餅

餅 餅 餅 餅

社稷

黍

稷

粱

白餅

稌

粟

黍

稻

粱

菰

稷

禮圖

粟餅

麥

粟

稷

粱

粱

菰

稷

稷餅

麥

粟

粱

菰

稷

七十六

稷餅

麥

粟

粱

菰

稷

大廟

禮王配享陳設同但
殿後殿前殿左右殿

(黍) (稷)

(大麥) (小麥)

| | | | | | | | |
|-----|-----|-----|-----|-----|-----|-----|-----|
| (稗) | (苽) | (粱) | (稻) | (黍) | (粱) | (稷) | (稗) |
| (秬) | (秠) | (粱) | (稷) | (粱) | (粱) | (粱) | (粱) |
| (粱) | (粱) | (粱) | | (粱) | (粱) | (粱) | |
| (粱) | (粱) | (粱) | | (粱) | (粱) | (粱) | (粱) |

功臣

和

東

稷

稷

子

不

盛

十哲

每位

雲

雲

雲

雲

雲

雲

雲

雲

雲

雲

雲

兩廡配享
每壇

禮 禮 禮 禮 禮 禮 禮 禮 禮

祠部

郎中員外郎主事掌祠祀享祭天文漏刻國忌廟諱
卜筮醫藥道佛之事

祭祀

郊祀

一齋戒

凡齋戒前二日太常司官宿于本司次日具
本奏

聞致齋三日次日進銅人傳制諭文武官齋戒不飲酒又不

禮部
金薏匪殄時不問病不吊喪不聽樂不理刑名
不與妾妾同殿

當日本部官同太常司官於城隍廟發咨仍
於各廟焚香三日

一告廟

凡正祭前二日用祝文酒果

奉先殿告

仁祖配

上帝

皇祇

告廟祝文

維洪武某年歲次某甲子某月某日

孝子皇帝 敢昭告于

皇考仁祖淳皇帝茲以正月某日恭祀

上帝

皇祗于大祀殿謹請

皇考配

神伏惟

監知謹告

一省牲

月牛二十八

羊二十三

豕三十四

鹿二

兔十二

正祭前二日太常司官奏

聞明日與光祿司官省牲次日省牲畢一同復命就奏定分獻官二十四員

一正祭陳設 共二十七壇

正殿三壇

上帝 南向

犧一

登一實以大羹

煮肉汁不問鹽醬

籩十二實以形鹽 藜魚 棗 栗 榛

菱 芡 鹿脯 白餅 白麩造

黑餅 蕎麥粉造
糗餅 米粉造

粉饗 糯米饗糕

豆十二實以韭菹 以韭切去本末取中四寸 菁菹

芹菹 筍菹 醃醃 猪肉鮮用鹽酒料物調和

鹿醃 兔醃 魚醃 脾柘 用牛百葉

切細湯熟用鹽酒造用 豚胎 猪首上肉

飽食 用糯米飯車脂蜜熬 糝食 用牛羊

豕肉細切與粳米飯用熬

簞簞各二實以黍 稷 稻 粱

玉用蒼壁

皇祗南向

帛一蒼色織成郊祀制帛四字

積一 登一 籩十二 豆二 簋簋各二

玉用黃琮

帛一黃色郊祀制帛

仁祖配位在東西向

犢一 登一 籩十二 豆十二 簋簋各二

玉用蒼璧

帛一蒼色郊祀制帛

共設酒尊六爵九篚三千東南西向

祝文案一于殿西

丹墀四壇

大明

在東西向

犢一

登一

籩十

無稜鉅於麥下同

豆十

無飽食秣食下同

簠簋各二

帛一

紅色禮神制帛

酒尊三爵三篚一

夜明

在西東向

犢一

登一

籩十

豆十

簠簋各一

帛一

白色禮神制帛

酒尊三 爵三 篚一

星辰一壇

在東西向

犢一 羊三 豕三 登一 鉶二 盛和羹

用肉鹽醬

籩豆各十 簠簋各二 酒盞三十

帛一 白色禮神制帛

酒尊三 爵三 篚一

星辰二壇

在西東向

陳設同前

東十壇

北嶽壇

犢一 羊一 豕一 登一 鉶二

蓮豆各十 簋各二 酒盞十

帛一 黑色禮神制帛

設酒尊三 爵三 篚一

北鎮壇

陳設同前

東嶽壇

陳設同 帛一 青色禮神制帛

東鎮壇

陳設同

東海壇

陳設同

太歲壇

陳設同

帛一

白色禮神制帛

帝王壇

陳設同

帛十六

白色禮神制帛

酒盞三十

山川壇

陳設同

帛二

白色禮神制帛

酒盞三十

神祇壇

羊五

豕五

銅三

無六羹

籩豆各八

簋各二 酒盞三十 帛一 白色禮神制帛

酒尊三 爵三 篚三

四瀆壇

陳設與北嶽同 帛四 黑色禮神制帛 酒盞二十

西十壇

北海壇

陳設與北嶽同

西嶽壇

陳設同 帛一 白色禮神制帛下同

西鎮壇

西海壇

陳設並同

中嶽壇

鍾山附

陳設同

帛二

黃色禮神制帛

酒盞三十

中鎮壇

陳設同

帛一

黃色禮神制帛

酒盞十

風雲雷雨壇

陳設同

帛四

白色禮神制帛

酒盞三十

南嶽壇

陳設同

帛一

紅色禮神制帛

酒盞十

南鎮壇

南海壇

陳設並同

一儀注

典儀唱樂舞生就位執事官各司其事陪祀

官分獻官各就位導引官導引

皇帝至御位內贊奏就位典儀唱燔柴瘞毛血迎神協

律郎舉麾奏樂樂止內贊奏四拜

典儀唱奠玉帛奏樂內贊奏陞壇至

上帝前奏擗圭執事官以玉帛跪進于

皇帝右奠訖奏出圭至

皇祇前奏摺圭執事官以玉帛跪進于

皇帝左奠訖奏出圭至

仁祖前奏摺圭執事官以玉帛跪進于

皇帝右奠訖奏出圭復位樂止典儀唱進姐奏樂齋郎

昇饌至內贊奏陞壇至

上帝前奏摺圭進姐至

皇祇前奏進姐出圭至

仁祖前奏摺圭進姐出圭復位樂止典儀唱行初獻禮奏

樂內贊奏陞壇至

上帝前奏摺圭執事官以爵跪進于

皇帝右奏獻爵出圭至

皇祇前奏摺圭執事官以爵跪進于

皇帝左奏獻爵出圭詣讀祝位跪讀祝樂止讀祝官取

祝跪于

神位右讀訖樂作奏俯伏興平身

百官同至

仁祖前奏摺圭獻爵出圭復位樂止典儀唱行亞獻禮奏

樂內贊奏陞壇至

上帝前奏摺圭執事官以爵跪進于

皇帝右奏獻爵出圭至

皇祇前奏搢圭執事官以爵跪進于

皇帝左奏獻爵出圭至

仁祖前奏搢圭執事官以爵跪進于

皇帝右奏獻爵出圭復位樂止典儀唱行終獻禮奏樂

儀同亞獻樂止太常卿進立殿西向東

唱賜福胙內贊奏詣飲福位跪搢圭

光祿司官以福酒進跪奏飲福酒光

祿司官以胙跪進奏受胙出圭俯伏

興平身復位奏四拜百官同典儀唱徹

饌奏樂執事官各壇徹饌樂止典儀

唱送神奏樂內贊奏四拜

百官同

樂止

典儀唱讀祝官捧祝進帛官捧帛掌
祭官捧饌各詣燎瘞位奏樂執事官
各執祝帛饌出內贊奏禮畢

一分獻儀注

典儀唱行初獻禮贊引引獻官詣

神位前揖笏執事官以帛進于分獻官奠訖執事官以

爵進于分獻官贊引贊獻爵出笏贊

引引至酒尊南北向立典儀唱行亞

獻禮執事官以爵進于獻官贊引贊

獻爵典儀唱行終獻禮

儀同亞獻

贊引

引分獻官復位徹饌執事官各壇徹饌典儀唱送神典儀唱讀祝官捧祝進帛官捧帛掌祭官捧饌各詣瘞位執事官各執帛饌詣燎所

一 祝文

維洪武某年歲次某甲子正月

嗣天子

臣

敢昭告于

昊天上帝

厚土皇地祇時維孟春三陽開泰敬率臣僚以玉帛犧齋

祭盛庶品恭祀于

大祀殿備茲燎瘞

皇考仁祖淳皇帝配

神尚

享

一樂章

迎神

荷蒙

天地兮君主華夷欽承踊躍兮備筵而祭誠惶無已兮寸
衷微仰瞻俯首兮惟願來期想龍翔鳳舞兮慶雲飛必

昭昭穆穆兮降壇壝

奠帛

天垂風露兮雨澤霑黃壤氤氳兮氣化全民勤畎畝兮東
帛鮮臣當設宴兮奉棗前

進俎

庖人兮列鼎肴羞兮以成方俎兮再獻願享兮以歆

初獻

聖靈兮皇皇穆嚴兮金床臣今樂舞兮景張酒行初獻兮

捧觴

亞獻

載斟兮再將百辟陪祀兮具張感聖情兮無已拜手稽
首兮願享

終獻

三獻兮樂舞揚着羞具納兮氣藹而芳祥光朗朗兮上
下方况日吉兮時良

徹饌

粗陳菲薦兮神喜將感

聖心兮何以忘民福留兮佳氣昂臣拜手兮謝恩光

送神

旌幢燁燁兮雲衛長龍車鳳輦兮駕飛揚遥瞻冉冉兮

上下方必烝民兮永康

望燎

進羅列兮燎瘞方炬焰發兮煌煌神變化兮東帛將感
至恩兮無量

時享太廟

一齋戒

凡齋戒前一日太常司官宿於本司次日具
本奏致齋三日次日進銅人

省牲

牛九·羊八

山羊十

豕十九

鹿一·兔四

凡正祭前二日太常司官奏明日與光祿司

官省牲至次日省牲畢同復

命

一正祭陳設

皇高禋前

犢一 羊一 豕一 登二 鉶二

邊豆各十二

簠簋各二

帛二

白色奉先制帛

皇曾祖

陳設同

皇祖

陳設同

皇考

陳設同

共設酒尊三

金爵八

磁爵十六

篚四于殿東

設祝文案于殿西

親王配享四壇 共二十一位

第一壇

犢一 羊一 豕一 登二 釧二

籩豆各十 簋簠各二 帛二 長制帛 爵六

第二壇

犢一 羊一 豕一 登六 釧六

第三壇

籩豆各十 簋簋各二 帛六 展視制帛 爵十八

陳設與二壇同

第四壇

犢一 羊一 豕一 登七 鉶七

籩豆各十 簋簋各二 帛七 爵二十一

共設酒尊三于殿東南北向 篚四

功臣配享十壇

各壇

羊一 豕一 鉶一 籩豆各二 帛一

報功制帛 簋各一 爵三 篚一

共設酒尊三于殿西南北向

一儀注

典儀唱樂舞生就位執事官各司其事道引

官道引

皇帝至御位內贊奏就位典儀奏迎神奏樂樂止內贊

奏四拜百官同典儀唱奠帛行初獻禮

奏樂執事官各捧帛金爵受酒獻于

神御前讀祝官取祝跪于

神御右內贊奏跪典儀唱讀祝讀祝訖進于

神御前內贊奏俯伏興平身百官同樂止典儀唱行亞獻禮

執事官各以磁爵受酒獻于

神御前樂止典儀唱行終獻禮儀同亞獻樂止太常司卿進

立殿東西向唱賜福胙光祿司官捧

福酒胙自

神御前中門左出至

皇帝前內贊奏跪稽圭光祿司官以福酒跪進內贊奏

飲福酒光祿司官以胙跪進內贊奏

受胙出圭俯伏興平身內贊奏四拜

百官同典儀唱撤饌奏樂執事官徹

饗樂止太常卿詣

神御前跪奏禮畢請還宮奏樂內贊奏四拜百官同樂止

典儀唱讀祝官捧祝進帛官捧帛各詣燎位奏樂內贊奏禮畢

一祝文

維洪武某年某月 日

孝玄孫皇帝 敢昭告于

高曾祖考四廟太皇太后

時維孟春夏秋冬禮嚴祭祀謹以牲醴庶品用伸

追慕之情尚

享

一歲暮祝文

時當歲暮明旦新正謹率群臣以牲醴庶品
恭詣

太廟用伸追慕之情尚

享

一樂章

迎神

慶源發祥世德惟崇致我眇躬開基建功京都之內親
廟在東維我子孫永懷祖宗氣體則同呼吸相通來格

來崇皇靈顯融

初獻

思皇

先祖燿靈于天源衍慶流緜高逮玄玄孫受命追遠其先
明裡世崇億萬斯年

亞獻

對越至親儼然如生其氣昭明感格在庭如見其形如
聞其聲愛而敬之發乎中情

終獻

承前人之德化家為國母曰予小子基命成績欲報其

德昊天罔極殷勤三獻我心悅懌

撤饌

樂奏儀肅神其燕嬉告成于

祖亦佑皇妣敬徹不遲以終祀禮祥光煥揚錫以嘉祉

還宮

顯号幽号神運無迹驚馭逍遙安其所適其靈在

天其主在室于子孫孫孝思無斁

祭社稷

春秋仲月上戊日

一齋戒

與林太廟禮同

一告廟

祝文與大祀同

禮和書 卷二
正祭前二日用祝文酒菓

奉先殿告

仁祖配

社稷

一省牲 禮與太廟同 牛三 羊三 豕二 鹿一 兔二

一正祭陳設

大社 在東北向

犢一 羊一 豕一 登一 鬯二

籩豆各十二 簋盞各二 帛一 黑色纁神制帛

玉用兩圭有邸

太稷

在西北向

陳設同

仁祖配位

在東西向

陳設同

無王

共設酒尊三

爵九

篚三千壇西北東向

祝文案一

一儀注

一注

典儀唱樂舞生就位執事官各司其事導引

官導引

皇帝至御位內贊奏就位典儀唱瘞毛血迎神奏樂樂

止內贊奏四拜

百官同

典儀唱奠玉

帛行初獻禮奏樂執事官各捧玉帛
爵獻于

神位前讀祝官取祝跪于

神位左內贊奏跪典儀唱讀祝讀訖進于

太社神位前內贊奏俯伏興平身

百官同

樂止典儀唱行

亞獻禮奏樂執事官各捧爵獻于

神位前樂止典儀唱行終獻禮

儀同亞獻

太常卿進立于壇

西東向唱賜福胙光祿司官捧福胙

自

神位前由正門左出至

皇帝前內贊奏稽圭光祿司官以福酒跪進內贊奏飲

福酒光祿司官以胙跪進內贊奏受

胙出圭俯伏興平身內贊奏四拜百

官同

典儀唱徹饌奏樂執事官各詣

神位前徹饌樂止典儀唱送神奏樂內贊奏四拜

百官同

樂止典儀唱讀祝官捧祝進帛官捧

帛掌祭官捧帛饌各詣瘞位奏樂內

贊奏禮畢

一祝文

維洪武某年某月 日

皇帝 敢昭告于

太社之神

太稷之神惟

神贊輔

皇祇發生嘉穀粒我烝民萬世永賴時當仲秋禮嚴祭

謹以玉帛牲齊粢盛庶品備茲瘞祭

皇考仁祖溥皇帝配

神尚

享

一樂章

迎神

予惟土穀兮造化功為民立命兮當報崇民歌且舞兮
朝雍雍備筵率職兮候迓迎想聖來兮祥風生欽當稽
首兮告拜年豐

初獻

氤氲氣合兮物遂蒙民之立命兮荷陰功予將玉帛兮
獻微衷初斟醴薦兮民福洪

亞獻

予令樂舞兮再捧觴願神昭格兮軍民康思必穆穆兮

靈洋洋感厚恩兮拜祥光

終獻

千羽飛旋兮酒三行香煙繚繞兮雲旌撞于今稽首兮
忻且惶神顏悅兮霞彩彰

徹饌

俎陳微禮兮神喜將琅然絲竹兮樂舞揚頽祥普降兮
遐迩方烝民率土兮盡安康

送神

氤氳氤氳兮祥光張龍車鳳輦兮駕飛揚遙瞻稽首兮
去何方民福留兮時雨賜

望瘞

捧肴羞号詣瘞方鳴鸞率舞号聲鏗鏘思

神納号民福昂予今稽首号謝恩光

祭山川

仲秋

一齋戒

凡齋戒前一日太常司官宿於本司次日具

奏本奏致齋二日次日進銅人

凡正祭前二日太常司官同本部官詣城隍

廟發咨

一省牲

禮典太廟同 牛十四 羊十三 豕十四 鹿一 兔七

一正祭陳設

正殿七壇

太歲

犢一羊一豕一登一銅二籩豆各十

簋簋各二

帛一白色禮神制帛

酒盞三十

風雲雷雨

陳設同

帛四白色禮神制帛

五嶽

陳設同

帛五五色禮神制帛各依方位下同

五鎮

陳設同

帛五

五色禮神制帛

四海

陳設同

帛四

四色禮神制帛

四瀆

陳設同

帛四

黑色禮神制帛

鍾山

陳設同

帛一

白色禮神制帛

共設酒尊三爵七篚七于殿東南西向設祝
文案于殿外正道西

東廡三壇

京畿山川

積一羊一豕一豎一劍二籩豆各十
簠簋各二帛一皂禮神制帛酒盞三十

夏季月將

陳設同 帛三皂禮神制帛

冬季月將

陳設同 帛三皂禮神制帛

共設酒尊三爵三籩三干壇南北向

西廡三壇

春季月將

秋季月將

陳設同前

都城隍

陳設同

帛一

白色禮神制帛

共設酒尊三于壇南北向爵三篚三

一儀注

典儀唱樂舞生就位執事官各司其事集引

官引

皇帝至御位內贊奏就位典儀唱迎神奏樂執事官各

詣

神位前斟第一盃酒樂止內贊奏四拜百官同典儀唱奠

帛行初獻禮奏樂執事官各捧帛爵

獻于

神位前讀祝官取祝跪于

皇帝左內贊奏跪典儀唱讀祝讀畢置于案上內贊奏

俯伏興平身百官同樂止典儀唱行

亞獻禮奏樂執事官各詣

神位前斟第二盃酒樂止典儀唱行終獻禮執事官各

詣

神位前斟第三層酒樂止太常司卿立殿東西向唱賜福
胙典儀唱飲福受胙光祿司官捧福
胙自

神位前由正門左出至

皇帝前內贊奏跪搢圭光祿司官以福酒跪進內贊奏
飲福酒光祿司官以胙跪進內贊奏
受胙出圭俯伏興平身奏兩拜百官同

典儀唱徹饌奏樂執事官各于

神位前徹饌樂止典儀唱送神奏樂內贊奏四拜百官同典

儀唱讀祝官捧祝掌祭官捧帛饌各

詣燎位奏樂內贊奏禮畢

一祝文

維洪武某年某月 日

皇帝

致祭于

太歲之神

風雲雷雨之神

嶽鎮海瀆山川月將城隍之神惟

神主司民物參贊

天地化機發育有功歷代相承有秋報之禮今農事告成

謹以牲帛醴齊粢盛庶品用伸報祭

尚享

一樂章

迎神

吉日良辰祀典式陳京畿山川城隍之神濯濯厥
靈昭鑒我心以候以迎來格來歆

奠帛

靈旗泣止有赫其威一念潛通幽明弗違有帛在篚物
薄而微

神兮安留尚祈事之

初獻

神兮安留有薦必受享祀之初奠茲醴酒晨光初昇祥徵
應候何以侑觴樂陳雅奏

亞獻

我祀維何奉茲犧牲爰酌醴齊二觴再升洋洋如在式
燕以寧庶表微衷交于

神明

終獻

執事有嚴品物斯薦黍稷非馨式將其意薦茲酒醴成

我常祀

神其顧歆永言樂只

徹饌

春祈秋報率為我民我民之生賴乎尔

神維神佑之康寧是臻祭祀云畢神其樂歆

送神

三獻禮終九成樂作神人以和既燕且樂雲車風馭
靈光昭灼瞻望以思邈彼寥廓

望燎

俎豆既徹禮樂已終

神之云旋倏將焉從以望以燎庶幾感通時和歲豐惟
神之功

祭歷代帝王

一齋戒

凡齋戒前一日太常官宿于本司次日具本奏
致齋二日傳

制遣官行禮

一省牲

牛五 羊五 豕六 鹿一 兔八

凡正祭前一日獻官承

制畢詣本壇省牲

一正祭陳設

五室十六位

每室

犢一 羊一 豕一

每位

登一 鉶二 籩豆各十 簠簋各二

帛一

白色禮神制帛

已上五室共設酒尊三爵四十八篚五于中
室東南西向設祝文案于西

一儀注

典儀唱樂舞生就位執事官各司其事贊引
引獻官至盥洗所贊搢笏出笏引至

拜位贊就位典儀唱迎神協律郎舉

麾奏樂樂止贊四拜

陪祭官同

典儀唱

奠帛行初獻禮奏樂執事官各捧帛
爵進于

神位前贊引贊詣

三皇神位前播笏執事官以帛進于獻官奠訖執事官以

爵進于獻官贊獻爵

凡三

出笏詣

五帝神位前

儀同前爵凡五

詣

三王神位前

爵凡三

詣

漢高祖光武唐太宗皇帝神位前

爵凡三

詣

宋太祖元世祖皇帝神位前

爵凡二儀並同前

出笏詣讀祝所

跪讀祝讀祝官取祝跪于獻官左讀
畢進于

神位前贊俯伏興平身復位樂止典儀唱行臣獻禮奏樂
執事官各以爵獻于

神位前樂止典儀唱行終獻禮

儀同亞獻

典儀唱飲福受

胙贊詣飲福位跪搯笏執事官以爵
進飲福酒執事官以胙進受胙出笏
俯伏興平身復位贊兩拜典儀唱徹
饌奏樂執事官各于

神位前徹饌樂止典儀唱送神奏樂贊四拜平身樂止典
儀唱讀祝官捧祝掌祭官捧帛饌各
詣瘞位樂止贊禮畢

從祀名臣

東廡第一壇

風后 臯陶 龍 伯益 傳說 召公奭 召穆公虎

張良 曹參

羊一 豕一 釧九 蔓豆各二 粟 粟 菁 藟

鹿 陸 簋簋各一 黍 稷 共 稻粱共 帛九 白色 禮 神 制 帛

酒盞二十七 饌盤一 篚一

第二壇

周勃 馮異 房玄齡 李靖 李晟 潘美 岳飛

木華里 博尔忽 伯顏

羊一 豕一 釧十 蓮豆各二 簠簋各一

帛十 酒盞三十 饌盤一 篚一

西廡第一壇

力牧 夔 伯夷 伊尹 周公旦 太公望 方朔

蕭何 陳平

陳設與東廡第一壇同

第二壇

鄧禹

諸葛亮

杜如晦

郭子儀

曹彬

韓世忠

張浚

博尔术

赤老温

陳設同

一祝文

維洪武某年歲次某甲子某月

日

皇帝謹遣具官某致祭于

太昊伏羲氏

炎帝神農氏

黃帝軒轅氏

帝金天氏

帝高陽氏

帝高辛氏

帝陶唐氏

帝有虞氏

夏禹王

商湯王

周武王

漢高祖皇帝

漢光武皇帝

唐太宗皇帝

宋太祖皇帝

元世祖皇帝

曰昔者奉

天明命相繼為君代

天理物撫育黔黎彝倫攸序井井繩繩至今承之生民多

福思不忘而報特祀以春秋惟

帝兮英靈來歆來格尚

享

一樂章

迎神

仰瞻兮

聖容想鸞輿兮景從降雲衢兮後先來俯鑒兮微衷荷
聖臨兮蒼生有崇瞻諸帝兮是臨予頓首兮幸蒙

奠帛

秉微誠兮動

聖躬來列坐兮殿庭予今願兮效勤捧禮帛兮列酒尊鑒
予情兮欣享方旋駕兮雲程

初獻

酒行兮爵盈喜氣兮雍雍重荷蒙兮再瞻再崇群臣忻
兮躍從頌覩穆穆兮

聖容

亞獻

酒斟兮禮明諸

帝熙和兮悅情百職奔走兮滿庭陳筵豆兮數重亞獻兮
頽成

終獻

獻酒兮至終早整雲鸞兮將還宮予心眷戀兮

神聖欲攀留兮無蹤躡雲衢兮緩行得遙瞻兮達九重

徹饌

納肴羞兮領陳烝民樂兮幸生將何以兮崇報維歲時

兮載瞻載迎

送神

幡幢繚繞兮導果瓊鸞與冉冉兮歸天宮五雲擁兮祥
風從民歌聖佑兮樂年豐

望燎

神機不測兮造化功瓊羞禮帛兮薦火中望燎庭兮稽首
願神鑒兮寸衷

祭先師孔子

春秋中月上丁日遣官行禮

一齋戒

一省牲

儀並同前 牛一 山羊五 豕九 鹿一 兔五

一正祭陳設

正壇

犢一 羊一 豕一 登一 籩豆各十

鉶二 簋簠各二 帛一 白色禮神制帛

共設酒尊三 爵三 篚一于壇東南西向

設祝文案于壇西

四配位

每位羊一 豕一 登一 鉶二 籩豆各十

簋簠各一 爵三 帛一 篚一

十哲

東五壇豕一分五帛一 篚一 爵三

每位鈎一 籩豆各四 簋簋各一 酒盞一

西五壇

陳設同

東廡

五十三位共十三壇

共豕一 帛一 篚一 爵三

每壇籩豆各四 簋簋各一 酒盞四

西廡

五十二位共十三壇

陳設並同東廡

一儀注

典儀唱樂舞生就位執事官各司其事分獻
官陪祀官各就位贊引引獻官至盥
洗所贊詣盥洗位搢笏出笏引至拜
位贊就位典儀唱迎神奏樂樂止贊
四拜陪祭官同典儀唱奠帛行初獻禮
奏樂執事官捧帛爵詣

神位前贊引贊詣

大成至聖文宣王神位前搢笏執事以帛進奠訖執事以
爵進贊引贊獻爵出笏詣讀祝位跪
讀祝讀祝官取祝跪于獻官左讀訖

俯伏興平身贊詣

充國復聖公神位前搢笏獻爵出笏詣

鄰國宗聖公神位前儀同前詣

沂國述聖公神位前詣

鄰國亞聖公神位前儀並同前贊復位樂止典儀唱行

亞獻禮奏樂執事以爵獻于

神位前樂止典儀唱行終獻禮奏樂儀同亞獻樂止典儀

唱飲福受胙贊詣飲福位跪搢笏執

事以爵進贊飲福酒執事以胙進贊

受胙出笏俯伏興平身復位贊二拜

陪祭官同 典儀唱徹饌奏樂執事官

各詣

神位前徹饌樂止典儀唱送神奏樂贊引贊四拜

陪祭官同

典儀唱讀祝官捧祝掌祭官捧帛饌
各詣瘞位典儀唱望瘞奏樂贊引贊
詣望瘞位樂止贊禮畢

一 祝文

維洪武某年歲次某甲子某月 日

皇帝遣具官某致祭于

成至聖文宣王惟

王德配

天地道冠古今剛述六經垂憲萬世謹以牲帛醴齊樂盛
庶品祇奉舊章式陳明薦以

交國復聖公

邠國宗聖公

沂國述聖公

鄒國亞聖公配尚

享

一樂章

迎神

大哉

宣聖道德尊崇維持王化斯民是宗典祀有常精純並隆
神其來格於昭聖容

奠帛

自生民來誰底其盛維王神明度越前聖案帛具成禮
容斯稱黍稷非馨惟神之聽

初獻

大哉聖王實天生德作樂以崇時祀無斁清酌惟馨嘉
牲孔碩薦羞神明庶幾昭格

亞獻終獻

百王宗師生民物軌瞻之洋洋神其寧止酌彼金罍惟
清且旨登獻于三於嚶成禮

徹饌

犧象在前豆籩在列以享以薦既芬既潔禮成樂備人
和神悅祭則受福率遵無越

送神

有嚴學宮四方來宗恪恭祀事威儀雍雍歆格惟馨神
馭還復明禋斯畢咸膺百福

祭先農

道應天府官祭

一齋戒

二日

一省牲 牛一 羊一 豕一 鹿一 兔一

一正祭陳設

先農之神

南向

擯一 羊一 豕一 登一 釧二

籩豆各十 簠簋各二 帛一

青色禮神制帛

設酒尊三 爵三 篚一于壇東南西向

設祝文案于壇西

一儀注

典儀唱樂舞生就位執事官各司其事贊引引

獻官至盥洗所贊詣盥洗所搯笏出

笏贊引贊就位畢典儀唱瘞毛血迎

神奏樂樂止贊引贊四拜

階前官同

典

儀唱奠帛行初獻禮奏樂贊引贊詣

神位前搢笏執事官以帛跪進于獻官奠訖執事官以爵

跪進于獻官贊引贊獻爵出笏詣讀

祝所跪讀祝讀祝官取祝跪于獻官

左讀祝畢進于

神位前贊引贊俯伏興平身復位樂止典儀唱行亞獻禮

奏樂執事以爵獻于

神位前樂止典儀唱行終獻禮

儀同亞獻

典儀唱飲福受胙

贊引贊詣飲福位執事以爵進贊引
贊飲福酒執事以昨進贊引贊受昨
出笏俯伏興平身復位贊引贊兩拜
典儀唱徹饌奏樂執事于

神位前徹饌樂止典儀唱送神奏樂贊引贊四拜樂止典
儀唱讚祝官捧祝掌祭官捧帛饌各
詣壺位典儀唱望壺贊引贊詣望壺
位贊禮畢

一祝文

維洪武某年歲次某甲子某月

日

皇帝謹遣具官某致祭于

先農之神惟

神初興農事乃種嘉穀為民立命萬世永賴今將東作
親畊籍田謹以牲醴庶品用修常祀尚

享

一樂章

迎神

東風啓藝地脉奮然蒼龍掛角燁燁天田民命惟食創
物有先園鍾既奏有降斯筵

奠帛

帝出乎震天發農祥神降于廷藹藹洋洋禮神有帛其色
惟蒼豈伊具物誠敬之將

初獻

九穀未分庶草攸同表為嘉種實在先農黍稷斯豐酒
醴是共獻奠之初以蕚感通

亞獻

倬彼甫田其隰其原耒耜云載駉御之間報本思享亞
獻惟虔

神其歆之自古有年

終獻

帝籍之典享祀是茲潔豐嘉粟咸仰于斯時惟親耕享
我農師禮成于三以訖陳詞

徹饌

於赫先農歆此潔修于篚于爵于饌于羞禮成告徹
神惠敢留餞及終畝豐年是求

送神

神無不在於昭于

天曰逌曰送所享之筵冠裳在列金石在懸往無不之其

佩翩翩

望燎

祝帛牲醴

先農既歆不留不褻瘞之厚深有幽其瘞有赫其臨曰禮之常匪今斯今

祭旗纛

旗手衛指揮祭

一齋戒 二日

一省牲 牛一 羊一 豕一

一正祭陳設

神七位 南向

旗頭大將

六纛大將

五方旗神

主宰戰船正神

金鼓角銃砲之神

弓弩飛鎗飛石之神

陣前陣後神祇五昌等衆

犢一 羊一 豕一 登一 劍二

籩豆各十 簋簠各二 帛七 帛二 由五禮神制帛

共設酒尊三 爵一 篚一于壇東南西向

設祝文案于壇西

一儀注

贊引引獻官至盥洗所贊詣盥洗所贊就位迎

神作樂執事官于

神位前斟酒訖贊引贊四拜

所祭官同

贊奠帛行初獻禮作

樂執事捧帛爵進贊引贊詣

神位前執事以帛進真訖執事以爵進贊獻爵訖贊復位

跪讀祝讀訖贊俯伏興平身樂止贊

引唱行亞獻禮執事于

神位前斟酒樂止唱行終獻禮

儀同亞獻

唱飲福受胙贊詣

飲福位跪飲福酒受胙

以下儀與祭

先裝同

合祀神祇

一在京十一廟

北極真武

祭物用素

道林真覺普濟禪師

祭物用素

都城隍

祠山廣惠

五顯靈順

漢秣陵尉蔣忠烈

晉成陽卞忠貞公

宋濟陽曹武惠王

南唐劉忠肅王

元衛國忠肅公

故功臣

一各處聖帝明王忠臣烈士載在祀典不係遙
祀者其廟宇陵寢皆異備知其數每
年定奪日期或差官牲祭或令有司
自祭本部悉理之

一天下府州縣合祭風雲雷雨山川社稷城隍

孔子及無祀鬼神等有司務要每歲
依期致祭

其壇廟廟宇祀奉禮儀悉依古制

犧牲

一凡祭祀所用牲醴脯醢等物必須預備者養
臨期依數供辦不可有缺

曆日

一在京欽天監每歲算曆已成則預先行移各
布政司刊印九月初一日進曆仍頒
賜京官

一頒曆儀注

前期一日尚寶設

御座于奉天殿教坊司設中和樂于殿內其日陳設如常

儀儀禮司設

御曆案于殿中設曆案于丹陛中道設百官曆案于丹陛
下鼓初嚴引禮引文武官進曆官入
詣侍立位鼓三嚴執事文武官詣

華蓋殿行五拜三叩頭禮畢傳制受曆侍從等官各就位
皇帝服皮弁服出樂作陛座捲簾樂止鳴鞭訖引禮引進
曆官就位贊禮囑鞠躬樂作贊四舞
平身樂止典儀唱進曆引禮引進曆
官由東階陞詣

丹陛案前贊跪搢笏取曆由殿東門靠東人至殿中內

贊唱跪外贊唱衆官皆跪唱進曆監
官以曆置于案內贊唱出笏俯伏興
外贊亦唱俯伏興單身內贊唱復位
引禮引進曆官由百官門出樂作引
至拜位樂止贊禮唱鞠躬樂作四拜
平身樂止進曆官退執事舉百官曆
案于丹墀中道鳴贊唱排班班齊鞠
躬樂作贊四拜平身樂止傳制宰諸
御前跪奏傳制俯伏興由殿東門
立稱有

制贊禮唱跪眾官皆跪宣

制曰欽天監進某年失統曆其賜百官領行天下贊禮唱
俯伏興樂作贊四拜平身唱領曆領
曆官取曆散于百官散畢

駕與百官以次出

藝術

一凡天文地理醫藥卜筮師巫音樂等項藝術
之人本部務要備知以憑取用

在六行術占卜之人聽於本鄉不許越境與
造妖妄等事

僧道

一 僧道度牒欵依三年一出給仍要各司考試能通經典者申送到部具奏出給

一 各布政司并直隸府州縣申呈闕缺僧道衙門舉保到僧人割付僧錄司道士割付道錄司考試如果中式就申吏部施行

祥異

一 凡各處戲果祥瑞本部准其事收下如有非時災異即時奏

開若遇日月交蝕則預先行移諸司救護

一日蝕儀注

前期結綵於禮部儀門及正堂設香案于露臺上向日設金鼓于於儀門內兩傍設樂人于露臺下設各官拜位于露臺上下俱向日立至期欽天監官報日初蝕百官具朝服與儀唱班齊贊禮唱鞠躬樂作四拜興平身樂止跪執事捧鼓詣班首前班首擊鼓三聲衆鼓齊鳴候欽天監官報復圓贊禮

唱樂躬樂作四拜平身樂止禮畢

一月食儀注同前但百官便服於都督府救護

喪葬

優給則例

凡陣亡失陷傷故湮沒者全支邊遠守禦出

征并出海運糧病故者減半

一品米六十石麻布六十疋

二品米五十石麻布五十疋

三品四品米四十石麻布四十疋

五品六品米三十石麻布三十疋

一公侯亡故

不分病故陣亡止給麻布一百疋本部奏輟

朝三日仍具手本行移在京衙門知會

一將引本官家人赴

內府給與布疋

一咨工部造辦冥器棺槨及撥與人匠磚

右造墳安葬

一劄付欽天監選擇墳地

一具手本赴光祿司備辦祭物遣官行禮

一本部奏議封謚

一自初喪至除服以次遣官致祭

聞喪 入斂 首七至終七 下葬

百日 新冬 周年 二周 除服

一都督至都指揮亡故

本部奏輟朝二日移咨工部造辦棺槨等項

仍備辦祭物自初喪至除服節次遣

官致祭 聞喪 下葬 百日

周年 除服

如合優給者照前別例并咨兵部照例追贈

一指揮使至指揮僉事亡故

本部移咨工部造墳安葬亦節次遣官致祭

安靈 下奠 周年 除服

照例優給追贈

一衛所鎮撫千百戶亡故

本部移咨工部造墳安葬止二次遣官致祭

安靈 下葬 照例優給追贈

一公侯及在京一品二品父母妻喪三品四品

父母喪曾授封贈及致仕者各照品

級造墳安葬在外止祭祀未封贈者

無

一在外都指揮使至指揮僉事止是本部遣人
往祭一次若回京安葬則照例祭祀
造墳千百戶別照祭葬例

一公侯在外病故聞喪止輟朝一日靈柩到京
仍輟朝三日下午葬輟朝一日

膳部

郎中員外郎主事掌邦國牲豆酒膳辦其品數

膳羞

一凡遇正旦

聖節冬至或吉慶筵宴所用諸品膳羞酒醴並須提調光祿司供辦若管待諸蕃國朝貢等使客并四夷來降土官人等茶飯物料本部自行備辦其宴之日赴會同館管待令教坊司供應若奉

旨管待之人俱於本部筵宴正官主席

一土官使客到會同館除柴米鋪陳本館應付外本部照依正從名數每五日一次支送下程

一管待物料先期一日本部劄付膳部照依時價收買仍令物戶親賫赴部對物給價其合用羊隻主事廳具手本赴光祿司關領原編羊隻字號勘合於司牧局照號關取造辦管待畢日仍回呈本部開具買過物件同支過價鈔

數目主事廳回呈關過羊隻字號毛
色斤重本部判送立案通類開銷

一管待物件則例每正一卓

菓子五色 按酒五色 湯三品

小割 正飯用羊

一支送下程則例五日每正一名

猪肉二斤八兩 乾魚一斤四兩 酒一瓶

麵二斤 鹽醬各二兩 茶油各一兩

花椒二錢五分 燭每房五枝

已上下程若表

旨優待不拘此例

一衍聖公張真人到京下程

鵝二隻 麪一十五斤 酒四瓶

茶醬鹽各一斤 燭一十枝

一買辦管待物料鈔貫若支銷盡絕本部照例具奏依數關領鈔錠回部收貯在庫聽候買辦如支銷已盡依上關用

厨役

一凡選取各項厨役或事故新僉光祿司具呈本部照數類行各處選取精壯慣熟

無過犯殘疾之人起送到部轉發光祿司着役若有厨役病故遺下家小呈送到部劄付應天府給引或遞送回還原籍

俸給

一每歲會計合用俸米數目戶部定撥糧長到部送納本部劄付膳部并委官眼同依數交收在倉隨即出給倉鈔付納戶收領候齊足出給通關一樣三本交付糧長收領仍將收過米數通咨

戶部其所收糧米專一放支本部并
合屬衙門官吏月俸

一本部官吏該支月俸每月初本部通類立案
劄付膳部及委官或儀部祠部主客
部官一員眼同放支膳部主事廳出
給印信俸帖付官吏收執赴倉關支
仍將放過某字號倉糧米數目分豁
正米附餘開呈本部判送膳部立案
一帶支太常司翰林院等衙門官吏俸給每月
預先將合支數目開呈本部立案通

類劄付膳部委官照依各衙門賞到
印信俸帖赴倉依數關支畢日依數
關呈

一帶支衙門

太常司 光祿司 翰林院 春坊

儀禮司 司經局 欽天監 行人司

鑄印局 教坊司 欽天回回監

藏冰

一每歲冰結之時本部堂上官預先奏

聞膳部官赴內官監關支鑰匙錦衣衛差撥力士或工部差

撥脚夫各備器具赴正陽門外打掃
冰窖就行戶部關撥新鮮稻草并蘆
席襯墊完備伺候冰凍揀擇潔淨去
處取水節次挑赴冰窖內如法收藏
封鎖將鑰匙送赴內官仍移付祠部
照例祭祀看軍人看守以備應用

內府冰窖收藏冰雪係內官監官自行提調合用纓執蘆
席稻草本部照例移咨戶部依數支
撥就差人送

內府冰窖處所交收

一凡宴享合用一應器皿及各項廚役懸帶雙魚銅牌光祿司開呈本部移咨工部照數造完轉發光祿司收用

一鑄完廚役雙魚銅牌本部具印信手本開寫號數送赴

內府印綬監收掌凡遇光祿司廚役合用銅牌本司自具手本赴本監關用

行移

一凡有一應行移在外事務儀部等四部各開

事件移付通具印信手本赴禮科關
填勘合照會各布政司并劄付直隸
府州照依坐去勘合內事件轉行所
屬作急理辦如有遲誤不完仍行催
督每遇年終各該有司分豁已未完
結事件連原填去勘合張數造冊差
人親覈奏繳仍用備細開報本部以
憑查銷

主客部

郎中員外郎主事掌諸蕃朝貢等事

朝貢

凡諸蕃國及四夷土官人等或三年一朝或
每年朝貢者所貢之物會同館呈報
到部主客部官赴館點檢見數遇有
表箋移付儀部其方物分豁進貢

上位若干

殿下若干開寫奏本發落人夫管領先具手本關領

內府勘合依數填寫及開報門單於次日早
朝照進

內府或於

奉天門或

奉天殿丹陛或

華蓋殿及

文華殿前陳設本部正官奏啓

進納若遇慶賀

聖節正旦貢獻之物初到即以數目具本奏

開物候至日通進

內府陳設交收

一凡進馬騾到於會同館即令典牧所差醫獸
辨驗兒騾駒及毛色齒歲明白備寫
手本交收及令本館放支草料喂養
仍撥人夫管領至期進

內府行列於丹墀東伺候

御前牽過同手本交付御馬監官收領

一凡進象駝到於會同館令本館喂飼次日早
進

內府

御前奏進如候

聖節正旦冬至陳設進收日遠先行奏

聞象送馴象所馳送御馬監收養至期令進

內府陳設

一凡進虎豹禽鳥之類到於會同館就令畜養
之人喂養具數奏

聞送所司收領至期進

內府丹墀內陳設

一凡進金銀器皿珍寶段疋之類須同貢獻之
人驗視明白具寫奏本仍以器具裝

禮部考書 十一
盛或黃袱封裹分撥館夫一同貢獻
之人收管先期一日開填勘合開報
門單次日早照進

內府於

殿前丹陛等處陳設一一交付長隨內使收受

一凡進蘇木胡椒香蠟藥材等物萬數以上者
船至福建廣東等處所在布政司隨
即會同都司按察司官檢視物貨封
儲完密聽候先將番使起送赴京呈
報數目除國王進貢外番使人伴附

搭買賣物貨官給價鈔收買然後布政司仍同各衙門官將貨稱盤見數分豁原報附餘數目差人起解前來本部委官及行戶部都察院委官會同差督人夫運進承運等庫稱盤入庫本部先期開寫各庫該收物貨手本於

午門關領各門勘合填寫照進并出給長單令該庫批寫實收數目回部備照

一朝貢諸番及四夷土官去處

番國

高麗國東海

暹羅國

南海

琉球國

南海

占城國南海

真臘國

南海

安南國

南海

日本國東海

爪哇國

南海

瑣里

西洋瑣里

三佛齊

淳泥國

百花國

覽邦國

彭亨國

淡巴國

須文達那國

西南夷

四川

烏蒙軍民府

烏撒軍民府

芒部軍民府

金筑安撫司

廬山長官司

慕役長官司

西堡長官司

大華長官司

寧谷寨長官司

頂管長官司

十二管長官司

安順州

貴州宣慰司

平茶洞長官司

播州宣慰司

龍州

程番長官司

永寧州

鎮寧州

康佐長官司

建昌衛

建安州

禮州

栢興州

酉陽宣撫司

木瓜長官司

方番長官司

黎州

邛部軍民府

德昌府

普安軍民府

東川軍民府

長河西

天全六番招討司

阿昔簇長官司

占巖光結簇長官司

峪匝簇長官司

北定簇長官司

祁命簇長官司

阿昔洞簇長官司

勒都簇長官司

班班簇長官司

者多簇長官司

麥匝簇長官司

石砭宣慰司

泥溪長官司

雷坡長官司

沐川長官司

平夷長官司

蠻夷長官司

馬湖府

岳希蓬長官司

隴木頭長官司

靜州長官司

里州

建昌府

關州

中縣

碧舍縣

會川府

武安州

永昌州

隆州

姜州

黎溪州

麻龍縣

會埋州

威龍州

昌州

普濟州

廣西

龍英州

江州

龍州

思明府

陀陵縣

養利州

上下凍州

思陵州

萬承州

安平州

太平州

都結州

羅陽縣

思城州

結倫州

鎮遠州

左州

崇善縣

茗盈州

南丹州

結安州

永康縣

思同州

東蘭州

那地州

全茗州

利州

鎮安府

田州府

泗城州

奉議州

雲南

姚安軍民府

姚州

元江府

廣通縣

平緬宣慰司

車里軍民宣慰司

八百宣慰司

麗江府

景東府

楚雄府

鶴慶府

尋甸府

鄧川州

海東土官

賓居土官

小雲南土官

臨安府習義縣

大理府

湖廣

施南宣慰司

忠建安撫司

思南宣慰司

永順宣慰司

臻部六洞黃坡等處長官司

保靜宣慰司

曲靖軍民府

西城

西天泥八剌國

朵甘

沙州

烏思藏

撒立畏兀兒

撒來

撒馬兒罕

賓客

凡四夷歸化人貢及朝貢使客初至會同館主
客部官隨即到彼點視正從定其高
下房舍鋪陳一切處分安妥仍加撫
綬使知

朝廷恩澤

一下程分詔正從人數扎付膳部五日一次照
例支送酒肉茶麵飲食之物

一管待量其來人重輕合與茶飯者定擬食品

卓數扎付膳部造辦主客部官一員
或主席或分左右隨其高下序坐以
禮管待仍令教坊司供應

給賜

一凡諸蕃四夷朝貢人員及公侯官員人等一
切給賜如往年有例者止照其例無
例者斟酌高下等第題

奏定奪然後本部官具本奏

開關領給賞

一凡賞賜金銀鈔錠匹帛之類金銀請長隨內

官關領匹帛係內承運庫收貯冠帶
衣靴係工科工部官收掌鈔錠係戶部
官收掌主客部官分投關領其物或於

奉天門或

奉天殿丹墀或

華蓋殿用卓頓放引受賜人朝北立置物於前受賜人

叩頭畢以物授之如多至十人百人
則先以所賜之物唱名分授各人行
列叩頭畢於該科出帖赴

午門倒換勘合照出所賜之物復令次日謝

恩

一凡遠夷之人或有長行頭疋及諸般物貨不
係貢獻之數附帶到京願納入官者
照依官例具

奏關給鈔錠酬其價值